



瑤華集卷十二

念奴嬌 九十三首

萬年歡 一首

御帶花 二首

琵琶仙 三首

渡江雲 四首

山溪滿路花 一首

遶佛閣 三首

雙頭蓮 一首

東風第一枝 四首

曲游春 一首

四代好 一首

高陽臺 三首

念奴嬌

客園讌集

錢繼登

客園如客五十載逆旅乾坤久寓離合升沉都閱盡最



有此宵歡聚。俠看吳鉤。憐深趙瑟。總是多情處。追陪劇
飲。不知老景遲暮。堪笑金谷平泉。蘭亭竹里。一樣茫
無據。眼底酒杯聊共把。便是浮生遭遇。鳳管聲高。鴟絃
曲碎。似欲畱儂住。嚴更催別。載將霜月歸去。

五十自壽

陳于泰

榴花照我笑。疎狂雙眼時青。時白。種柳移松。堪結侶。世
上軟紅都隔。二樂名園。三秋命閣。半畝溪干宅。杜蘅蘭
芷。有時散髮行摘。暇則爛醉高歌。清風明月。倚戶招
爲客。江左夷吾。應好在那用東山。復出伯玉。知非買臣。
幸貴兩者誰相易。近來陶寫老懷。絲竹閒適。

春雪味蘭

陳子龍

問天何事到春深。千里龍山飛雪。解佩凌波。人不見。漫
說葢珠宮闕。楚殿煙微。湘潭月冷。料得都攀折。嫣然幽
谷。只愁又聽啼鳩。當日九畹光風。數莖清露。纖手分
花葉。曾在多情懷袖裏。一縷同心千結。玉腕香消。雲鬢
霧掩。空贈金跳脫。洛濱江上。尋芳重惜佳節。

送幼光還白門

錢 稊

半天紅葉被西風。吹出離愁千里。寂寞離亭。張宴後。潮
滿一江蘆葦。白鳥牙檣。青山粉堞。鼓角驚濤裏。戍樓孤
映。孤鴻飛破天水。堪歎磊落如君。春秋讀徧。尚牧公

孫豕見說長干歌舞豔羞向兒曹徒倚曼倩長饑仲孺
薄醉意氣連雲起唾壺敲缺功名且看餘子

雨夜再送青藜疊緯雲除夕韻 龔鼎孳

疎燈細雨正客心蕭瑟秋行半矣青眼高歌人乍別誰
向歡場奪幟六代江山五陵衣馬去任今宵裏更闌酒
醒風帆愁見初起揚袂司馬遊梁終軍使越寂寂聊
爲此一片鬱孤臺上月直接石頭潮水樓櫓丹陽尊羹
笠澤攪亂寒衾寐朔雲回首棋枰翻盡朝市

花下小飲時方上書有所論列

回睂餘興晒王章閨閣都無英物北闕浮雲遮望眼誰

作中流鐵壁剪豹天關搏鯨地軸隻字飛霜雪焚膏相
助壯哉兒女人傑投袂太息花前仰天長嘯正酒狂
初發赤日金鱗霄漢轉坐見嶽搖氛滅一葉身輕千峰
約在幸少星星髮與君沉醉玉臺斜過佳月

中秋和其年

霜新葉老乍天街湧出嬋娟孤月烏鵲繞枝棲不定萬
里關山一髮蕩婦羅帷征人鐵騎搗練聲偏切瑤堦露
冷流螢紈扇飛歇恰遇揮塵雄才吹笙小史暫遣煩
愁豁城角射雕沙陣陣催到臨渝早雪金粟含香銀蟾
愛影玉斧休輕折百年此夜相逢不醉癡絕

夏夜

梁清標

涼侵疎簾看星河漸轉頻催城柝百舍香勻新浴罷月
照殘粧綽約。紈扇初停冰肌無暑重試羅衫薄花陰攜
手一枝輕罨釵落。聞道世態浮雲長安棋局俯仰成
今昨人在瑤臺清露下消受藤牀珠箔橫笛高樓鳴蟬
滿樹塵事渾拋却西風轉眼又驚吹到簾幙。

舟發章門楊陶雲載梨園置酒敘別

江城如画雪初晴渺渺長天空碧好友輕帆攜酒到載
得滿船春色吳下秦青新翻樂府橫吹寧王笛旅懷無
奈茫茫對此交集。憐我海角浮踪逢君遷客相對頭
堪白舞罷柘枝歌子夜攪起魚龍窟宅杜牧情多司空
見慣懊惱紅燈夕地鄰湓浦青衫今晚重溼。

過綠柳長廊有感

滹沱南陌憶當年綠柳依依堪折夾道長條張翠幄清
影寒生六月汗裛征衫塵飛驛路到此清涼別今來駐
馬濃陰一旦殘缺。聞道舊日隋堤看來潤樹空有蟬
聲咽可惜長廊煙霧冷轉眼繁華消歇莫問秋風樹猶
如此何況三千髮長途搔首愁聽枝上啼鳩。

端午藍溪卽事

李雯

藍溪新漲看金塘幾曲画樓臨水不捲湘簾人影動水

戲魚龍競起。朱果雕蒲粉盤綉。虎長縷。飄香細。雲鬟着
雨更縈一川煙翠。回想家在東吳。彩衣聯臂。今日人
千里。有個凭闌凝望處。繭綵香囊誰寄。草號宜男。花開
夜合。都是傷心地。雙雙碧鴨。幾回驚起沙際。

題子輔南京小築

錢繼章

幽窗雨霽。試登臺重覽。郊原風物。約畧雨疎煙密處。小
石_經成蒼壁。千樹寒梅。一籬秋菊。細細飄香雪。支炎耐
冷。赤松吾友。殊儻。回首落日煙波。蘆中欸乃也。漁榔
先發。剩水殘山。和遠雁。自送隋梁興滅。竹馬童年。離虫
壯歲。今各星星髮。青衫溼盡琵琶。彈斷江月。

味梅花片茶

杜濬

梅花落盡問梅花片是誰人拾得。若比玉梅伊更翠。若
比綠梅伊白。入手生香。欺蘭壓蕙。疑試廷珪墨。呼兒敲
炭。莫教煙起松節。直要石鼎通紅。惠泉三沸。幻作金
壺液。不是故鄉寧有此。五月江城吹笛。濤霍雲深。清明
雨足。奇薜如真色。重封押字。平生一片心迹。

早春送友人遊武林

施紹莘

煙堤初曉。看船頭正。上半輪紅日。送子遠行何所贈。一
味可人春色。蘇小門前。西冷橋畔。天把韶華擲。儘君消
受。穩風人坐飛鷁。記否酒泛山頭。露橫湖面。就月會

移席比翼而今已分散。惆悵夢中油壁。聞說當初馬蹄
行處。添箇墳栽栢。君如弔取落花猶似人跡。

懷古

史可程

崩濤疊浪映碧空如洗。一輪圓月。鹿走烏啼。千古恨想
見英雄本色。市散蜃樓桑生貝闕。鶴髮愁難說。苾寒劍
澁。誰憐田島群客。試問剩水殘山。兵戈叢裏。崛強心
誰熱。冷覷當場分得失。好謝廣長翻舌。志遂飛虹名成
露綬。究使乾坤缺。不如休去。螺江垂釣。煙闊。

秋恨

吳湛

天清燭晚聽誰家。擣練與秋空接。恐是離人新舊恨。應
到此時黃曆。故苑荒臺。年年照徹。總是中秋月。逢人生
怕從頭喪。亂重說。此際高閣西風。倦來無事。只繡齋
持偈。猶憶年辰。珠海上。画舫同遊東粵。時正風鳶羊城
將徧。向長空飛越。何堪題雁。別來幾度。華髮。

春雪咏蘭

宋徵輿

東風悄悄送餘寒。春色偏隨春雪。綺閣依然幽谷裏。一
種國香清絕。光滿銀屏人虛錦帳。日暮冰漸裂。紫莖玉
葦。亭亭獨倚瑤闕。可惜燕落空庭。蒼苔錦石。一半紅
文滅。總有餘香歸客夢。不謝當時蜂蝶。不夜城中明珠
影裏。何處堪攀折。他年九畹楚江無限風月。

九日同友人登慧光閣

宋 琬

昔人多事把今日命以佳名重九。青女連宵渲染作淺碧。深黃林藪。傑閣千尋。長江一瀉。瓜步晴如豆。帆檣飛下。夕陽還繫堤柳。休問高齋龍山參軍。同幕府其人存否。古往今來屬我輩。復共天涯杯酒。目送飛鴻。詩成戲馬。莫放持螯手。遠公微笑。醉中應惹狂叟。

郭璞墓

弘農太守挽羲輪。三舍乃心王室。龜策如神。撩薑尾。臣命盡於今日。氣作長虹。魂歸華表。骨葬金鰲脊。馮夷舞罷。數聲欸乃。長笛。安得溫嶠懷中。通天犀。借我下窺。

龍國江左夷吾。今在否。石馬沉埋。荆棘鐵甕。旌旗金山鐘磬。閱盡興亡迹。中泠滿酌。一帆高挂。遙碧。

荷詞用僧仲殊韻

堵廷棻

漢臯薄暮乍凌波。倚翠漪紋吹素。三十六陂煙雨。足無數川。妃湘女。顫玉停雲。盈盈欲語。月又明南浦。小船移過來。香人在何處。最愛水際珊珊。步搖青扇。酌滿心應苦。抱月飄煙。腰幾寸。把酒情懷孤注。茗椀詩箋。竹牀烏几。坐看翻雲雨。閩蘭開也。水亭應共延佇。

送幼光還白門

曹爾堪

孤舟初發。正嚴霜似雪。布帆如紙。一派殘雲。縈別恨。愁

向青山隱几。晚圃黃花小槽。紅酒客路誰同醉。蒯緱黯
淡。自將管樂爲比。還念旅宿方寒。丹陽古道老樹酣
青紫。戍鼓沉沉。天未曉。殘月模糊映水。白恰談兵。青燈
讀易。滂灑英雄淚。啼鳥成陣。石頭城外潮起。

又

南飛烏鵲繞疎林。三匝無枝可寄。聊借遠遊扞骭。麟莫
似相如憔悴。山峙金焦。江來楚蜀。帆繫斜陽裏。中流擊
楫。氣吞湖海。萬里。雙眼一望蒼茫。寒濤如箭。個個牙
檣起。舊日精靈都已盡。何況堂前燕子。晉宋衣冠。陳隋
宮寢。社鼓神鴉耳。佛狸祠下。怒潮空打遺壘。

寄魏子存司李成都

錦官自昔稱都會。佳麗已消兵劫。望帝魂歸城郭。壞月
黑悲啼古堞。劍閣哀猿。力州嘯虎。蜀棧行人怯。草堂無
跡。橙林猶戰風葉。聞道萬里橋西。子雲宅畔。豐草長
林接。爲問薛濤箋在否。幾樹露桃紅靨。諸葛名垂文翁
教。遠賦緬相如獵。好尋雙鯉。嘉陵江上行艤。

立夏日同友人集王丹麓齋中

滿天飛絮。正夏初臨也。晴和時節。嘶斷玉驄。斜照裏亂
撲銀鞍如雪。竹粉新含。蜂黃漸褪。巧剪雛鶯舌。先裁白
苧。棟花開後微熱。且放小艇隨流。言尋勝侶。酒茗香

清絕鵝炙魚羹供一飽。蔬笋不妨頻擷。劍吼龍堆。經翻
鹿苑。往事閒中說。留春春去似人容易離別。

雨後高寄閣。述懷呈西樵介夫。許承欽

連綿雨過倚危樓。騁望悲歡相續。世態浮沉。飛鳥外多
少。雨雲翻覆。海市蜃樓。白衣蒼狗。幻影同蕉鹿。鮑詞庾
賦。年來殆不堪讀。目斷歷下名卿。勾章才子。韻度如

林叔。前度青梅曾煮酒。齒遇自慚方幅。文選樓空。木蘭

寺冷。掩映莓苔屋。預期飈館。東籬更醉叢菊。

後漢鄭褒
字林叔

旅懷

錢芳標

此時故里正谿梅。朶綻瓦禽聲碎。蘭槩竹堦。微霰霽早

晚。攜壺鄧尉。曲榭衣香軟。泥鞋印。媚景烘人醉。當筵五
斗。高談不數焦遂。還憶樂事丁年。垂楊繫馬。調笑青
帘肆。聽罷綠鬟羌笛。句呼取銅盤鮮膾。宋豔班香。吳飲
趙舞。漸唱秋墳鬼。碧塘凭處。祇留乳鴨雙睡。

雪霽有懷西冷

張芳

嫣然尤物是西冷。雪後迴眸時節。吹破水仙祠。下夢推
起粧臺欲怯。蘇老堤邊林逋宅。畔風景蕭蕭別。新晴簾
幙有人撚。蕊能說。我亦羈旅吳儂。待牽游舫。搖蕩初
生月。銀色春城疑卷浪。月色湖光千疊。料得情親。焚香
炙硯。幽事多周折。忍寒相見。孤飛雁去如髮。

觀子瞻九辨帖

朱 隗

風流墨寶是坡公。晚歲淋漓雄筆。恠石枯槎非一態。浪
疊龍騰蛟逸。去國懷人。登山臨水。况是清秋節。狂歌痛
飲。拂箋何限蕭瑟。還想三楚才華。靈均弟子。困苦遭
讒疾。瘴海雲濤。家萬里。似與騷人同律。九死餘生。兩朝
遺老。間代神仙質。焚香展卷。千秋悲感橫出。

味梅用東坡韻

戴 重

茅堂苔樹立寒霄。疎放翩然尤物。可是胡僧橫碧眼。冷
面少林牆壁。姑射之山。神仙處子。肌體如冰雪。晝饑夜
凍。古來有數豪傑。更似鬢鑠是翁。據鞍顧盼。荷鋌矛
霜發。易水蕭蕭。衣冠暮怒。目西窺秦滅。海上羊羝。節旄
星脫。十九年殘髮。倣奇至此。揚州莫味風月。

和美門

尤 侗

虛生浪苑。奈頭顱漸禿。肝腸如碎。飛將高皇時。不遇却
遇灞陵亭尉。感慨何爲。不如歸去也。學糊塗醉。文皇九
命。此生萬事難遂。眼看世態悠悠。西江有水。不到枯
魚肆。脫了青山披綠箬。且飽銀絲鮮鱠。棄蟻亾羊。於魚
得計。吾讀徐無鬼。人間不樂相忘。惟一回睡。

又

先生休矣。歎元龍豪氣。俯同群碎。借問史公牛馬走。豈

若爛羊都尉。滿座貂蟬。狗偷鼠竊。偶爾乘天醉。何如尋
取當年初服。堪遂。君見入市者乎。朝來駢足。日暮成
空肆。損益盈虛。都似此。所以步兵思鱸。漏盡鐘鳴。夜行
不止。所見無非鬼。人生一夢。幾時喚醒。鼾睡。

贈梅村先輩

江山如夢歎眼前。誰是舊京人物。走馬蘭臺。行樂處。尚
記紗籠題壁。椽燭衣香。少年情事。頭白今成雪。杜陵野
老。風流獨數時傑。更聽法曲。淒涼四絃撥。斷清淚。如
鉛發。莫問開元天寶事。一半曉星明滅。我亦飄零。十年
湖海。看雨絲風髮。何時把酒。浩歌同送明月。

梁溪周羽士精舍感賦

黃 未

洞天福地問誰來。剝啄昔年狂客。十二年前曾一過。意
氣鬚眉都別。蜀帝啼鵲。令威化鶴。往事傷心絕。依然相
見南樓。今夜明月。樓外禰樹寒花。樓中楚楚幾幅雲
林筆。丹竈繩牀。仍未改。少箇樓頭吹鐵。高不勝寒。仙乎
欲去。待鼓凌風翼。瓊宮玉宇。盈盈相望咫尺。

長歌

彭孫適

知音寥落任壁間。絃絕市中琴碎。萬卷詩書何所用。不
抵一錢程尉。入手杯濃。擡頭月豔。人好千場醉。長卿倦
矣。宦游問幾時遂。此去四壁猶存。當壚滌器。賣酒臨

珂肆。春雨綠簑三尺艇。釣取霜鱗雪鱠。假貸爲生。送人作郡。怕殺揶揄鬼。不如秉燭。夜深長伴花睡。

又

壯心難抑。將亂絲斬斷。連環搥碎。七貴五侯。今已矣。說甚粉郎香尉。公醒而狂。臣饑欲死。待覓播間醉。平原何在。自媒終笑毛遂。曉來網得霜螯。橫行岬。強吾力。猶能肆。脆白肥黃。堪一飽。絕勝吳王殘鱠。露氣高浮。羽聲慷慨。痛飲歌山鬼。元龍臥榻。肯容餘子。鼾睡。

京口歸舟

巖 沆

江船舄榜小揚州。正值早春時節。吹浪江豚。都未起。在

我朗吟蘭棹。路指南徐雲橫北固。十里輕帆。截金山晴了。蒜山猶帶殘雪。依舊樹影中流。鐘聲兩岸。風景真清絕。狠石談兵。何處是。歷歷舟人能說。劉尹荒廳。孫郎斷冢。總被寒潮嚙。晚汀孤泊。玉龍誰叫。霜月。

送秦以御

李天馥

春明初曉。忽鴉驚柳外。樓頭鼓歇。滿酌留君。空浪語愁聽。陽關三疊。蓮子方花。桐孫始蒂。頓悔聲塵隔。揚州夢穩。迢迢桂漿蘭棹。同志正恨。晨星無端。尊酒誰教輕離別。斷續煙巒。瓜步杳好。是潮通一葉。旅况聞雞。才名綉虎。嬾漫談騷客。江東奇士。相看幾點華髮。

和漱玉詞

王士禛

疎風嫩雨正撩人。時節屠蘇深閉。幾日園林春漸老。偏是鶯聲花氣。紅友樽殘。青奴夢醒。寂寞渾無味。關山萬里。飄搖尺素。誰寄香閣曲。曲迴欄殘。朱零落。都爲傷春倚。厭說鴛鴦還待。闕繡被。朝朝孤起。額淺鴉黃。看銷螺碧。驪盡相思意。春來情思。小姑將次。知未。

紅橋宴集

孫枝蔚

柳衰如此笑忙人。城市終朝相逐。画裏煙波誰作主。付與雙鳧。孤鶯。選伎徵歌。尊花載酒。此是吾曹福。風流前輩。揚州莫讓杜牧。借問螢苑雞臺。繁華幾處。但見青山秃。多少興亡看過了。且看湘裙六幅。年少飛揚輕衫。匹馬學射林中鹿。老來腸斷如花人。倚修竹。

前題

鄧漢儀

年來驚看是揚州。戰壘依然花竹。瑣閣重簾蕉雨度。却羨半溪寒綠。硯匣新移。香奩徐展。占盡今生福。隋家天子。枉誇清夜游曲。最是紅粉青螺。解人情緒。驀地風流熟。薄倖分司。殘夢覺。轉煞腸中車轂。齒髮難憑。雲霄總幻。何似花間宿。真無箇事。直教打點金屋。

廣陵舟中送蘧庵先生還陽羨

邢溝波漲看紅橋。斷絕簫聲釵影。剩有舊時沽酒路。疎

柳寒葭相映。白髮詞人青衫病客。偏話開元盛。當年此地。曾將絃管私聽。今日鼓角喧闐。單囊破帽。踪跡渾難定。還指銅官菴。画好風月。助人佳興。摘蕙山頭焙茶院裏。清物憑持贈。與君惜別。雙溪兩漿重訂。

前題

紀昞

老成詞藻論佳。句子野休誇三影。人在廣陵。題別賦夢裏。江花相映。把袂揮毫。行杯度曲。絕憶當年盛。牽舟岸上。蟬嘶柳外。難聽。疇昔意氣文章。汝南月旦。翻倩傷人定。眼底牢騷。愁欲絕。懣悔今翻游興。樹影河橋。驪歌水驛。勝似綈袍贈。會當飲餞。画船明日重訂。

集飲陳原舒寓園

余懷

南岡小巷問何人。欵客孟公投轄。百尺高樓。君獨臥。剝啄花間。驚聒。霜葉翻。皆露葵堆砌。掩映陳蕃榻。悲歌斫地。一時真是狂客。剩此六代江山。供虎頭驅染。發揮癡黠。挿劍酒酣。肝胆露。莫問魏三張。八秋水當門。江魚入饌。勸爾休彈鋏。斜陽歸騎。兒童笑指紅頰。

于忠肅公祠

小舟如葉。放中流。搖漾一湖春水。古木豐碑。苔蘚裂碧。血鱗鱗猶泚。北狩南宮。西陵東市。摠爲君臣耳。杜鵑啼罷。有人歌哭於此。當日白骨青山。孤墳聳峙。石破驚

山鬼淚灑兩朝冤。少保遙望荒祠遺址。蘋藻盈杯棠花
滿地。欹帽斜陽裏。回颿日暮汀鷗無數翔起。

秋浦

顧貞觀

遠天秋淨正。西風秔稻江鄉初熟。竟日帆移。疊影外臥
柳村扉斜。蠹別浦潮回。平磯葉掩籬。落輕鷗宿。薄寒吹
上春山。淡淡凝綠。眼底人麗如花。魚多似米。船却高
於屋。雞犬圖書無恙。在生事此中粗足。煙水攜家。五湖
雙槳。舊約何年續。客游良苦倦。聽商女遺曲。

題王右丞初冬欲雪圖

吳興祚

此圖幾丈。王右丞寫作初冬欲雪。凜冽朔風生紙上。吹
得虬松都折。寒鵲低飛。山雞僵立。溪水冰將結。灞橋景
色。画來定少分別。再向淨几明窗。從頭展玩。較江天
更切。放鶴逋翁何處去。料想孤山無月。谷口樵夫磯邊
漁父。渲染真三絕。自攜村酒一尊。梅放時節。

秋夕聽歌

毛先舒

中秋近矣。正涼颼輕爽。彩雲團結。緩緩清歌天外起。燈
穗和香如屑。笛孔驚寒。笙簧試煖。漸入宮商咽。美人紅
豆隔簾偷記新闕。坐上有客疎狂。抽簪叩盃。碧玉幾
敲折。寄語姮娥休笑我。此種情懷難說。月照白榆風吹
青桂。滿地流煙雪。一聲嘹唳。任他山竹驚裂。

黑窰廠登高

魏學渠

憑高矚遠正搗衣。天氣長空凝碧。芳草斜陽。人不見。知是他鄉九日。銅馬門前。瞭鷹臺下。盡道飄零客。消愁惟酒。阿誰一飲千石。雲際數點飛鴻。西山依舊。青靄紛如織。以下半山純黛色。陵樹已非疇昔。露冷金莖。歌殘絳雪。浪把秋光擲。故園何處。五湖舴艋。簑笠。

西湖逢集生并訊其年

陸嘉淑

重來幾度見湖光山色也。應非昔。樓閣笙歌。何處是舊日西陵松柏。寶慶君臣建炎宮殿。一片秋山碧。空留畫舫遊人。猶是終夕。君自江表才人。登臨吟嘯。感慨悲何極。萬騎旌旗。千嶂月。愁聽湖亭風笛。黨籍聲名。煙雲變態。易遣頭須白。天涯問訊。秋來憔悴詞客。

遊土城山

吳棠禎

土城山舍。問曾經當日浣紗人住。夜半衣香。飛不散。畱下花邊春霧。草認珠鬟。苔侵繡襪。指點行雲路。門前流水。采蓮新曲。時度。一自送入姑蘇。漏殘春煖。錦帳眠鸚鵡。可惜戈船橫茂苑。驚散宮門簫鼓。紅粉乘舟。黃金鑄像。夢裏歸鄉土。小橋煙柳。羨他窺見歌舞。

清明後一日集吳山望西湖

陸進

暫攜嘉客集吳山。頂上閒評今古。宿雨野雲。渾未散。一

似情懷淒苦。宋室衣冠錢家宮闕。試問歸何處。惟餘佳
景任他鶯燕歌舞。况爾節屆清明。濃煙淡日。脉脉連
平楚。玉笛雙吹聲更好。喚醒兩峰眉嬾翠。幙含山。虹梁
壓水。莫把芳年悞。一尊常對與君休。歎遲暮。

暮春

張台柱

游絲裊裊繫殘春。不住風吹欲絕。不怨柳梢花倦盡。但
恨漫天如雪。江北江南斷腸消息。燕共鶯兒說。盈盈一
水。人間多少離別。樓外一抹輕雲。慣將夢阻。欲睡心
先怯。江漫淚珠流不去。山斷離愁重接。羞理殘粧。胭脂
淺淡。仗酒紅雙頰。沉吟坐久。画屏飛上銀月。

寄友

成德

楊花飛絮歎沉沉。庭院春歸何處。盡日黃塵飄綺陌。迷
却夢游歸路。世事悠悠。生涯泛泛。醉眼斜陽暮。傷心怕
問斷腸何處。金鼓。夜丙月色如銀。和衣高臥。花影斜
街度。脉脉此情誰得識。又道故人別去。細數落花。更闌
未睡。別是愁情緒。聞人長嘆。西廊惟有鸚鵡。

廢園

片紅飛滅。正東風不語。只催漂泊。石上臙脂花上露。誰
與画眉商畧。碧甃餅沉。紫錢釵掩。雀踏金鈴索。韶華如
夢。爲尋好夢。擔閣。又是金粉梁空。定巢燕子。一點香

泥落欲寫花箋。憑寄與多少人情難託。梅豆圓時。柳綿
飄處。失記當時約。斜陽冉冉。斷魂分付殘角。

家信至有感

吳兆騫

牧羝沙磧待風鬟。喚作雨工行雨。不是垂虹亭子上。休
盼綠楊煙縷。白葦燒殘黃榆吹落也。算相思樹。空題裂
帛。迢迢南北無據。消受水驛山程。燈昏被冷。夢裏偏
叨絮。兒女心腸。英雄淚。抵死偏縈離緒。錦字闌中。瓊枝
海角。辛苦隨窮戍。柴車冰雪。七香金犢何處。

茉莉

王彥泓

簾櫳午寂。正陰陰窺見。後堂芳樹。綠徧長叢。花事杳忽
見瓊葩丰度。豔雪肌膚。葢珠標格。消盡人間暑。還憂風
日。曲屏羅幙。遮護。長記歌酒闌珊。微風暗麝。笑覓衣
沾露。月沒闌干。天似水。相伴謝娘窗戶。浴後輕鬟涼生
滑簾。總是牽情處。惹人幽夢。枕邊零亂如許。

咏冰

沈謙

玉壺一夜把青霜。皓月團團結就。惟道綉衾寒似鐵。向
曉不聞蓮漏。映日狐疑。銜花魚上。遙想融和候。滄沱正
合。可憐車馬馳驟。還憶翠閣佳人。曉窗垂淚。珠玉沾
襟袖。挑得口脂呵。又凍紅入小桃偏厚。鏤管微含金簧
旋炙。悶把無情呪。東風早至。寒江吹變醇酎。

春情

柳梢雪盡正東風淡沲金芽初綻望得春來人又去空
鎖翠苔深院鏡匣微開簾鈎反挂盡日消香篆早梅開
了隔窗鸚鵡驚喚教我換取春衣小衿禿袖端的誰
裁剪原是沈腰今更瘦寬袂頻移帶眼暗想佳人羅衾
晝擁也是看春嬾待將書寄問他眉黛深淺

金陵懷古

姜 垚

臺城煙柳問垂垂一帶被誰攀折金粉六朝多少恨流
作秦淮嗚咽高閣紅燈画船翠袖鏡裏還明滅鈿釵零
亂至今遺老能說恠底紫陌尋游莫愁湖畔捲銀濤
舞雪啼得子規聲最苦纔上一輪明月帝王經臺貴妃
粧閣一樣都消歇雞鳴風雨當時何處宮闕

彭城經漢高祖廟作

朱彝尊

歌風亭長剩三楹遺廟斷垣摧棟芒碭雲霾銷已盡惟
見馬頭山擁逐鹿人亾斬蛇溝冷一片閒丘壠綵幡斜
挂綠楊絲裏飄動羸得割據群雄六朝五季各自誇
龍種魂魄千秋還在此人彘野雞誰共社古枌榆村遙
巫覲孰管神迎送行人憑弔看來終勝劉仲

同王北山葉訥庵王阮亭過張晴峰寓齋聽金
山人彈琴

宋 犖

消憂何處愛張融。丹屋軒窗偏闊。綠樹陰森。新雨後一
架藤花爭發。文酒移情。煙雲過眼。俯仰塵襟。豁。枯桐挂
壁。鞠通隱隱。曾齧。客有江左風流。郢中高調。抱取金
徽拂。四座無言。燈影靜。清響傳來。超忽。曲奏離騷。腸迴
水炭。宿鳥驚林樾。嗒然相對。當簷飛出明月。

天龍寺

曹貞吉

蒼苔古瓦。是人天法界。雲山深處。燕麥免葵。荒草地人
道高王。曾在。水殿風涼。碧臺露白。院靜。渾無暑。流螢閃
閃。宮墻飛入無數。遙想涓水。邗山東西。蠻觸五技窮
鼯鼠。敕勒老公。歌慷慨。早見英雄。黃土馬。稍功名。人龍
意氣。擲逐西風去。繁華消歇。統然朝暮。鐘鼓。

由亳州至歸德途經木蘭祠

陳維崧

苔垣蘚逕。見靈旗玉貌。娟然幽處。傳是木蘭遺廟。在多
少神絃。賽鼓。繡袷蛾眉。紅粧猿臂。颯爽真軒舉。雌雄撲
朔。世間何限兒女。今日滿目。關山極天。士馬殺氣連
營苦。安得月明飛錦。織壓倒蕭娘。呂姥。娘子軍空。女郎
祠。圯俛仰。悲今古。空墻壞壁。画衣剝落。如雨。

宋景炎席上贈柘城李蓼墅

中年以後。早傷于哀樂。頓成頭白。適過章華。爲劇飲。倏
遇中原詞伯。劍氣縱橫。酒腸跳盪。老筆蒼無敵。霜寒月

苦爲君細吐胸臆。今夜玳轂班蘭紅絃郭索搥鼓催
行炙。難得他鄉歡笑極。况有吳兒似雪。君欲歸耶。住爲
佳耳。底事搖鞭急。回聽筵上歌珠一串堪拾。

用前韻酬柘城李子金

雲飛千里步睢陽市上。忽逢李白笑顧群公。摩腹語空
洞容。卿什伯嚼蓋吹花馬。稍名理豪蕩真難敵。轟豕拉
雜酒酣披瀝衷臆。聽說湓浦鮫人鞋。山龍女嗜古如
牛炙。曾挾奇文過灌口。浪打片颿堆雪。豪奪何傷書淫
不悔。那畏波濤急。擲書柁底百靈任爾爭拾。

用前韻酬鹿邑張子武

昇仙臺上說當年。風景縈青綠。白曠望層湖窗撲水。雁
子鳧雛千伯。物換星移海枯石爛。劫手棋逢敵。至今廢
館野花荒草沾臆。久矣仙不如頑。哀多于樂。且把鵝
笙炙。漢武秦皇今縱在也。飽炎風朔雪。飲酒千場讀書
萬卷。此外非吾急。醉人須恕懷中憤。墮難拾。

用前韻酬新城王叔平

丈人安坐看三更。簾外明星初白。壯不如人今已老。臣
是江東亭伯。萬事都非一年將盡。才命交相敵。悲歌何
益。且須美酒澆臆。幸遇梁宋諸公。焚香梯几。曲室紅
爐炙。千載鄒枚今尙在。暫緩顛毛成雪。袞袞祥鸞栖栖

窮鳥來日翻飛急。長鏡短柄空山橡栗能拾。

重陽西城閒眺懷原白客燕

徐喈鳳

登高佳節歎離群。詩酒總無情緒。獨上城頭閒佇望。飛過塞鴻無數。淺渚荷殘。長堤柳盡。寂寞溪邊路。伊人宛在。相思最是秋暮。追憶撥桂山房。安仁載酒。小艇凌波渡。此日京塵騰驥足。題徧金臺詞賦。絳闕霜青。紅樓月白。定復懷鄉土。言歸何日。須乘籬菊將吐。

題贈錢礎日十峰草堂詞

汪森

九龍山下羨伊人。小築草堂清逸。扃戶身閑。霜鬢改消得。平生吟筆。駐屐聽泉。拖簾訪侶。踏蘚何妨。出嵇生性。懶漫同箕踞。搔蝨。應喜日極青蕪。蒼茫雲樹。屋角周遭。密指點煙巒。飛鳥外。淺淡脩蛾。非一。竹翠橫琴。花深醞酒。蟾影窺人膝。石田幾畝。荷鋤分種。茅木。

江上晚歸

孫琮

淒迷晚棹把布帆。懸起趁些風色。幾隻釣船。橫極浦。船上炊煙生碧。楓着紅衣。蘆搖雪帽。好景奚囊得。橋頭老鶴遙看。疑是人立。行盡漁舍樵村。濺濺綠水。雲霧奇峰劈。古寺荒林。僧不見。一片鐘聲何急。歸路無多。柴荆月掩。鶴踏松花跡。殘燈寒警。新詞填就。合拍。

紅橋野望

季公琦

淳泓蕭瑟莽郊原。回首雷塘耕鋤。十里紅樓成往事。敗瓦苔痕餘綠。錦瑟風輕。靈旗雲滿。盡日馳離轂。盈盈溝水。燕支賸有殘沐。坐待斜日微曛。飄零塞雁。如聽翁離曲。畧記董逃楊叛。日丞相孤軍全覆。鹿走荒原。羊驅高隴。舊鬼啾啾哭。無心欲學山僧閑。拾枯竹。

焦山次張寰用坡韻

鄒祗謨

孛然祠畔看功名。却是眼前何物。兩槩東西浮玉峙。撐得東南半壁。健鶻凌風。神鼉吼雨。浪捲江豚雪。空山屈指。由來處士人傑。待看瘞鶴殘銘。縱橫斷碣。勢湧春潮發。無數龍蛇。留石上都與蒼苔磨滅。青玉塲中。碧桃灣裏。望海門如髮。松陰蘿葉舉頭。又見新月。

憶遠閣

陳維岳

無情明月照。画樓高處迢迢垂練。劈紙題詩。今不見。贏得垂楊千線。銅嶺如眉。漏湖如面。可惜征夫遠。樓前画景昔人曾寫。紈扇。當日少小凭闌。主郎謝妹。羅袖空中卷。往事繁華同過夢。三十光陰如箭。雕檻薦紅紗窗。冷碧秋水添愁怨。他年重倚。似曾相識歸燕。

將返梁園和大兄韻

陳宗石

蓼莪罷咏。歎兄南弟北。頓成離別。一夜西風驅斷雁。月冷後湖空闊。千里睢陽。三更梁苑。夢裏思鄉切。悲來欲

語口中無奈銜闕。幸喜故里重來對牀風雨細把離情說。毀卵破巢多少恨。贏得孤身天末。倏忽春深無端秋盡。看到楓成血。扁舟江上可憐明。又將發。

自壽

史惟圓

粗豪意氣憶當年。蟻視中原人物。年少離虫矜小技。便欲請纓天闕。排策金門。驅馳玉塞。徒有衝冠髮。荒雞夜叫。迢迢魂夢飛越。誰念暗換年華。依然潦倒。嚙草根求活。贏得秋霜明鏡裏。一輛芒鞋閒客。雨棹煙帆。酒旗戲鼓。流落無人說。冷清清地。夜牕撲盡殘雪。

其年緯雲南耕援梅南礪詞以問之

山中何有。只僧厨蔬笋。竹籬閒物。寒瀑千條飛不盡。挂住危崖絕壁。遊屐停時。落梅深處。恰似旗亭雪。問誰同倚。半空高閣。雄傑。幾度流水斜陽。老松無恙。有新枝初發。金谷名園。今在否。一點禪燈明滅。問訊山靈。駐年何計。爲我滋華髮。塵中遙望。四更猶吐殘月。

送桐初返東阿幕用原韻

陳枋

束裝底急。向僕夫寒語。燈青月白。笑我借人杯。炙慣醉則持觴。膝席君豈援梅。灞橋別路。雪上添驢跡。今朝卸馱。沾來何處重碧。聞說君去東阿。他鄉往返。百倍傷行色。况是銅城雙驛。路愁煞詞人爲客。圮叟祠荒。項王

塚破萬古成寥寂。登臨無奈官梅且倚吹笛。

登黑窑廠

魏坤

帝城風景便鵝溪。十幅丹青難染。煙樹蒼涼天一色。白草晴沙晝捲。臺上盤鷹壇邊走馬。鳳闕雲中閃影。低鵝鵲翠微遙接西巘。極目帶海襟河。諸峰環衛形勝誇天險。此日登臨。雙眼豁却笑十年窺管。欲覓荆高醉歌燕市。易水寒流淺。舉頭南望。數行征雁。淒斷。

咏月

姚期頴

嬋娟何處看團圓。明月玉闌孤凭。銀漢無聲光似水。天闊琉璃千頃。柳影輕篩竹陰低覆。恍惚迷花徑。何人吹笛。夜闌無限清興。不道有客西園臨風。遙憶望着紅樓迥。雲鬢鬢鬆簾外。步坐久。真愁露冷。玉漏將殘。羅幃強入。料得眠還醒。曉風數陣梧桐亂落金井。

九日題澹遠堂

馬鳴鑾

園花開謝又匆匆。過了重陽時節。一枕疎篁憎客夢。午夜熏爐寒怯。戲馬臺前龍山席上。今古傷離別。紫萸霜鬢舊游鴻爪難說。聞道鸚鵡洲邊。雕旗殘角吹徹。纖月故壘江干遺石。在新壘煙波千疊。百尺樓頭元龍豪飲。醉把芙蓉折。遶池煙樹輕風飄動華髮。

和朱希真中秋

朱瀾

遙憐兒女對秋容。新沐一天涼。月低映簷牙，窺綺戶團
玉正浮仙闕。霧溼銖衣香消，羅袖小膽金鈴掣。空濛一
片草光苔影相接。應念紫塞征夫，沙場風露，雙鬢平
添雪。萬丈寒芒，千斛水飛灑。高城清絕。夢好曾歸山盟
依舊，冠挂如雲髮。此情此恨，古來多少人說。

無題

劉雷恒

早知離別悔當初。一笑等閒心許。自與雲英成間隔，回
首玉京迷路。篋扇涼深，機絲露溼，冉冉三秋暮。鈿蟬零
落伊州一曲誰鼓。就裏多少相思，緘愁欲發，祇欠歸
鴻度。竟夕清砧，將遠夢分付月明來去。小影薰香新詩
斷帶，觸着添離緒。寄聲安否，此情惟感鸚鵡。

汴京懷古

董俞

隋堤何在見晴雲。夕草蒼茫無際。皂帽蹇驢，憑弔罷閒
憶汴京遺事。花竹梁園，煙霞艮嶽，何處尋荒址。繁華消
歇，斷腸戍鼓聲裏。堪歎蛾賊紛紛，洪濤昏墊，一夕漂
朱邸。只有金梁橋上月，曾照歌樓燈市。楚漢滎陽，袁曹
官渡，懶去評青史。黃沙古堞，暮鴉落日飛起。

廬山用身絲詞韻

曹亮武

十載空山記禪房。聽盡晨鐘暮鼓。直到匡廬高萬丈，方
信峰危無虎。雲海春深，松濤夜沸，不住真何苦。向時歸

夢今番那許重作。爲訪五老三泉黃崖白鹿踏盡欽
欽路。此景人生能幾見。莫歎天涯羈羽。惟石爲朋閒花
作伴。不受他鄉侮。清涼臺上夜深常共僧語。

江南奇旱時撫臣奏欲告糴湖廣而楚中荒疏

復至

湯思孝

那堪回首盼江南。如聽哭聲千里久矣。徵求民力竭。經
得魃災連歲。餓骨啼風。饑魂侶鬼。鄭俠圖難。繪癡兒弱
息。不知朝夕何計。聞說告糴鄰鄉。早驚傳語。又楚天
憔悴。望絕熒黎。除是死擬遣張槎。高貸織女。施衣牽牛
轉粟。星漢憐存濟。朔風吹。惡哀哀鴻雁天際。

秋齋拭劍

潘 籟

西來爽氣覺雲意。闌珊山情輕薄。故壘荒城何所。有
葉寒煙哀角。一水鳴秋千林。傳雨斜日亭亭落。此中有
客。經年經歲。蕭索。匣臥三尺吳鈎。空長吟悲嘯。中
躍躍。伴我青氈。和白鬢。負汝十年鋒鏑。月迸冰花。霜
電影。勢欲搖山嶽。投之七澤。我將歸事丘壑。

殷仲弟初度兼懷季弟在燕

九月八日

洪昇

露濃霜冷。葉紛飛。樓外寒蟬將歇。况是菊花堪釀酒。那
用長生桃核。健筆凌霄。高懷撥霧。年少真才傑。一聲鸞
嘯。海天驚破秋月。迴憶昨歲。河橋驪駒初唱。執手難

輕別。縱有茱萸誰待插。不記登高時節。兩地都愁。三人各瘦。鴻雁應能說。何當歡聚。乘秋共醉瑤闕。

送梁汾北上兼柬蛟門雷文

沈爾燦

開簾風動正吹梅。小徑一枝餘白。水驛迢遙。津鼓隱隱。亂茂陵詞客。拂面塵輕。出山泉遠。回首桃谿隔。美人北指。布帆猶挂殘雪。因念落拓江湖。經過趙李。往事隨癡蝶。紅雨飄零。身被酒數徧。金星銜月。昔昔懽無春。春鏡換夢裏鶯歌歇。故交如問玉河衰柳。還折。

題蔣京少梧月詞

時京少將遊山左

孫引之

諸公袞袞問妙年。賦手孰先旗鼓。公子柔情風絮似偏

解。斬蛟射虎。逐恨香塵斷腸煙。雨此事。卿何苦。一吟拍手。再吟狂叫起舞。還憶小宋當年。曲江題罷。得汝同千古。只少紅兒推半臂。金縷銀箏共譜。醉後鶯花醒來。梧月添得多情句。驅車泰岱。煙雲衣被鄒魯。

早春微雪和漱玉韻

蔣景祁

今年早也。恰草根。曉染紫蘭。蕞閉綴絮。侵簾妨遠夢。緩駐芳和天氣。舍館帘搖琴尊集。減莫點春盤味。鱗書題就。最憐冰玉同寄。漸是拂樹垂條。楚山銷徹。眼稀微重倚。巧法蟾娥瓊沼浴。曲罷雙睂羞起。笑墜珠鈿平開。嬌面林下先傳意。繁英細疊。曉鶯明日來未。

贈曹荔軒用東坡赤壁詞韻

君才英絕問車邊。豈少此班蘭物。出匣于將騰恠彩光。射陰陰四壁。文豔春華筆。垂秋露氣味。如冰雪。甘泉豹尾從容躍馬奇傑。况復路入桑乾平沙漠漠。擊草鷹初發。萬騎回中從獵去。醜酒夕陽明滅。玉勒風嘶。瑠弓夜吼。冷浸蕭蕭髮。吟鞭搖動。驚飛烏鵲霜月。

送次山之濟上和姚仲潛韻

昭王臺畔歎年來。送盡此江南客。氣許干霄。壁立半世老於資格。况復紛紛鷓鴣啼。破幾處君行得。一編詩卷空嗟白也無敵。爲訊濟上諸賢。風流斯在。俯仰悲遺迹。寂寂笑人思鄧禹。二十汝年餘七。自分歸休。還期努力。齒折看予屐。他時相念。應憐今夕何夕。

二月三十日宋尙書席上作

微寒猶怯。正尙書休沐。芳筵初列。閣雨濃陰。簾外重細。蕪蘭膏香屑。鳳脰長垂。龍團乍試。碧瓊春醅。潑清歌一縷。小池飛起。菱鐵。聆此玉管吹來。伊州入破。絃索三條撥。街鼓沉沉。催未了。紅燭十行齊跋。薊北遊頻。江南夢杳。緜蒯思彈鋏。相將上巳。滿裙挑菜時節。

萬年歡

癸未春作

龔鼎孳

一笑東風喜寒梅向繁香散。瑤雪攜手花前重見酒杯。
豪發鐵石銷磨未盡。算只有風情癡絕。生拋撇瘴戟蠻
裝更。央珊枕埋骨。而今虎鬚怒歇。料天荒地老。此翼
難別。絡粉調笙。還讓引裾人物。儘取頭廳重印。肯換鄰
纖纖霞鞵。甘心署錦隊。鉗奴五湖編管煙月。

御帶花

有感

顧貞觀

梳粧樓下。捫碑字。金碧依然天半。龍舟寂寞。信波翻太
液。藕花長滿。知否。憑高無限。意幾增。悽惋。傳呼遍。平明
騎馬。值紫宸班換。指點重瞳親。御處飛閣。千層彩虹
雙轉。朱顏頻改。都不是尋常。意中庭院。飄泊青衫。隨例
屬天家。拘管。憶二十年前。慧業侍玉皇香案。

感憶

顧彩

長亭芳草。離人處。讀遍荆榛碑碣。風村雨店。正詩魂愁
老。酒狂翻熱。知否。滿頭華髮。意可堪。淒絕。垂鞭去。有人
喚馬。向柳條頻折。嘗盡天涯羈旅味。不願今生。更言
離別。朱顏凋謝。有千種風情。對誰明說。薄薄青衫。多付
與淚痕。沾溼。倩山館杜鵑啼後。問五更殘月。

琵琶仙

月夜虎丘獨坐

錢芳標

茂苑煙花都分付短簿祠前片石。無數雀舫笙歌春游
鬪裙屐。問此夜茶煙佛火誰消。受廣場月色。伯主雄心
名姝巧笑。墓草同碧。記當日歸櫂乘秋。坐群從。攬輪
翫蟾魄。只合是鄉老矣。混酒徒狎客。恠底事閒雲出岫
又逐他燕市杯炙。甚日簑笠橫塘樵青吹笛。

秋日桑乾河上見白燕

朱彝尊

遠渚秋光早。疑是兩岸蘆花如霰。剛得軟語輕迴。差池
轉堪戀。思一縷紅絲繫住。怕飛入掌中難見。明月樓臺
梨花院落。曾否尋徧。問何事沙際飄零。惹西去潘郎
鬢都變。爭向水晶簾外。對曉風初捲。看画閣銀釵幾許
畱伴他。傅粉人面。恠道玉女縫衣。一雙并剪。

荻渚

銷夏
之四

陳枋

湖畔青青遠。疑是三十六陂秧浸。五月蕭颯閒塘。描成
早秋景。便不雨冥濛似雨。但葉葉梢梢聲冷。六尺蒲帆
雙竿酒幔。移坐煙艇。乍風起吹亞沙邊。漾空翠。明涵
葛衣淨。宿鷺帶波飛去。正水天相末。露幾處魚標淺在
倚緯蕭。返照疎影好放。一篷中流碧。虛如鏡。

渡江雲

中秋無月

吳易

喚吳剛何在。在憑將玉斧爲我掃豐隆。道天公老去愁見

今秋不比往時同。興亡滿眼齊州恨。九點煙空。那堪照
秦關漢苑。楚殿與吳宮。朦朧。銀河影沒。珠斗光收。淡
鎖霓裳夢。最斷魂。繞枝驚鵲。失侶哀鴻。何年赴瓊樓舊
約。橫鐵笛。翳鳳驂。龍挽東海。爲伊洗出瞳矐。

送京少之楚省親

儲方慶

君才真十倍黃金待價。一字爽秋毫。丈夫同氣。盡况值
霜天雁影。理征袍。高歌且當驪駒曲。安用牢騷。看茫茫
古今失路。多半是吾曹。飄搖浮雲蔽日。急雪迎風。正
長途顛倒。問江山。有何笑兀。幾許波濤。悲涼題徧芳洲
草。紉蘭佩。屈宋無聊。吟詩後。不知誰在層霄。

前題

朱彝尊

蓼蓼銜鼓歇。驚沙卷雪白。日澹幽州。望疎林。郭外剪剪
酸風。屬策響籬頭。三杯兩酸。旗亭酒。怎把人留。看一霎
鞭絲茸帽。驅馬渡盧溝。離愁。萬重煙樹。千疊雲山。縱
相思。夢有尋不到。清江古渡。黃鶴空樓。趨庭正值。椒花
讌。醉春盤。儘許風流。能記憶。買田陽羨。人不。

江行自天門山至采石作

蔣景祁

青山遮不住。犇流直下。湧作海門濤。一帆雙黛掩。又是
荒煙采石。弔前朝。回頭六代繁華地。分付回潮。問金陵
埋金舊處。王氣幾全消。蕭蕭蘆花捲絮。雪浪拖銀聽。

漁歌環繞。喚閒愁。玉顏駿骨。一樣波漂。多情千古峨眉。月夜臺伴李白牢騷。江山在管教。吟斷霜毫。

山溪滿路花

故障山中訪伎

沈謙

溪回罨畫漠漠寒煙鎖。垂柳隔虹橋。新月起。亂鶯啼破。草香沙暖。此路是天台。環繞峰千箇。屢下雕鞍坐。撫景尋思。幾時夢裏來過。朱扉半啓。小立雙鬟。仙飯雜松雲。低問取。阮郎曾餓。玉笙吹罷。萬樹碧桃開。人照紅窗火。醉醒愁無那。春夜厭厭參旗樓角斜。歛。

遶佛閣

臘月十一日同友登貝多庵新閣見雲幢上人

案間便面爲見山遺跡悵然

錢芳標

凍雲乍斂。西望一帶山髻螺淺。衰柳沿岸。個中隱隱紅樓靜。垂幔矮橋窄板。藜杖渡處霜沼如練。闌影凭徧。笑指刈稻村墟。爨煙晚。有客正棲息。坐我蕉團。供茗椀。不待夢中。青衣逢講院。對粥鼓齋魚。塵慮都遣。故人虛幻。只數筆秋林。猶綴殘扇。付枯禪。霽窗閒翫。

寒夜登惠山草庵貫華閣

陳維崧

亂峰堆髻。夕景木末殘雪崖際。一派空翠。瓢堂語悄。山牕落松子。小樓欲墜。斜嵌巖壑。蹲若奇鬼。暝色晴霽。粥

鼓禪板。渾忘在塵世。開士暮歸晚。鉢向石橋深澗洗。
坐客松寮。鐘鳴黃葉寺。喜今夜。關河一碧千里。感傷身
世。看六代青山。月華如水。是千秋倚闌人淚。

同友人飯文公半齋

曹溶

綠蘿似畫香臺。幻出半吐雲幔。寒日偏短。馬塵洗後。千
林咽霜管。小山覓伴。攜手樹下。軟語相暖。金磬穿斷。茗
香袅娜。新菘又盈盃。老境愛孤往。縱有雄風吹不轉。
裘帶寂然。瞿曇分別館。對白髮垂顛。前事難算。寄愁當
緩。看落盡水花城上春滿。客歸谿影空零亂。

雙頭蓮

嶺南元夕

梁清標

海外繁華。看絳燭圍紅。星毬初放。蠻鞞錦障。月影裏。忘
却鄉愁孤况。暗想京國。燈宵阻雲山千嶂。春一樣。紫陌
香塵。有無鈿車來往。憑仗午夜笙簫。把軍烽靜。偃消
除兵象。江潮晚漲。燒火樹。粧點羊城尤壯。聽罷白苧吳
歎。有周郎座上。天萬里。對酒當歌。相看愴懔。

東風第一枝

途中送春

梁清標

柳絮鋪勻。梨花落盡。客愁踏徧。堦。輶軒尚帶歸途。畫
闌共誰同倚。江南春色。都分付野田流水。問幾家。煖炙

笙簧何處競薰羅綺。門悄悄。戍樓晚吹。風閃閃。驛燈
落翠。枝頭嬾聽鶯奴。簾間怕飛燕子。流蘇宛轉。想小閣
短檠鍼指。盼此宵。有夢先回。可到鴛鴦幃裏。

送春

袁 袞

露泣疎英。煙啼密葉。惹起傷春情緒。游絲不綰。芳魂晚
風更催弱絮。鬱金堂靜。會收得燕泥香未。顫枝頭。雨點
嫣紅。畱得住些春意。雲脉脉。珠簾怕捲。雨細細。玉牕
慵倚。画樓錦瑟無端。紫陌翠鈿畢聚。黃鸝無數。怎解說
春歸何處。恠春來。賺得愁多。何不早將春去。

桃花

成 德

薄劣東風。淒其夜雨。曉來依舊庭院。多情前度。崔郎應
歎。去年人面。湘簾乍捲。早迷了画梁棲燕。最嬌人。清曉
鶯啼。飛去一枝猶顫。背山郭。黃昏開徧。想孤影。夕陽
一片。是誰移向亭臯。伴取暈眉青眼。五更風雨。莫減却
春光一線。傍荔牆。牽惹游絲。昨夜絳樓難辨。

春夜集友人寓齋看燈上美人 汪懋麟

剪韭韶光。落燈時節。東風今夜初煖。縷金屏內。香濃碧
玉盞。中春淺。鳥聲報客。正風揭画簾絲軟。好良宵。不飲
何爲。况有玉鳧銀燕。紅燭裏。忽拋星眼。綃幙外。誰疑
雪面。依稀人在瓊樓。只少歌翻闥苑。画圖相識。又惱亂

心情如線。最牽愁我。夢揚州。月下簫聲曾見。

曲游春

蝶

鄒祗謨

柳腴花瘦。日正綠煙如水。紅雨成徑。栩栩飛來。見尋香
覓豔。輕狂不定。乍遇微風起。又依却。苔鬚欲凝。前身香
國。翩翩應知好夢難醒。悵好多情成性。向一幕晶簾
時弄雙影。占盡芳辰。只燕昏鶯曉。江南佳景。長博雙蛾
喜簇繡處。百花恰稱。不道粉褪香殘。人薄倖。

四代好

泛艇春溪作

陳維崧

碧透雙溪尾。蒲桃浪慣。被煥風吹碎。琉璃正滑。簾紋小
展。一川空翠。春衣篷艙慢倚。十載事從頭都記。算飄零
曾渡汝水。漳水沁水。泚水。汝水長繞孤城。漳水又抱
銅臺廢址。可憐沁水還灌。太原殘壘。二關怒濤夜起。過
泚水重嗟餘耳。總不如春水江南。採藍千里。

高陽臺

過拂水山莊感事

李良年

屋背空青。牆腰斷綠。沙頭晚疊春船。一篷東風。斜陽淡
壓荒煙。尙書老去蒼涼甚。草堂西南。渡明年。倚香奩。天
寶官娥。愛說開元。松楸馬鬣都休問。却土花深處也。

當新阡。白氍紅巾。是非付與殘編。石家金谷。曾拚墜甚。游人尙記生前。更悽然。燕又雙飛。柳又三眠。

章江舟次讀玉田詞步集中韻 宋 學

遠水拖藍。晴峰送翠。徐牽三板輕船。野岸風箏。掠人恰是新年。垂楊不負東君約。裊鵝黃一色堪憐。更悠然。幾處漁歌。幾點村煙。家山回首斜陽外。但萋萋芳草。森森長川。十八灘遙。舟人指向鷗邊。紅牙漫拍王孫句。倚篷窗。聊破愁眠。莫垂簾。尙有江梅尙少啼鵲。

春暮 柯 煜

脩竹人家。綠楊城郭。春衣乍卷晴煙。是處鶯聲。迷離又是今年。東風不挽桃花住。出溪頭。片片堪憐。况淒然。芳草無情。綠上遙天。門前流水知何事。但蘭舟兩兩。燕尾涎涎。漫把情懷。分明訴與啼鵲。相思不作天涯夢。倚銀屏。隨意春眠。記燈前。商畧新詩。分付蠻牋。

瑶華集卷十三

桂枝香 十五首

玉燭新 一首

玲瓏四犯 一首

壽樓春 十首

木蘭花慢 九首

月下笛 一首

蠟梅香 一首

珍珠簾 四首

水龍吟 四十八首

拜星月慢 二首

慶春宮 一首

桂枝香

中秋

梁清標

西風簾幙看花影移塔蕉陰綽約三五良宵正未小羅

杯酌三年幸訂漁樵侶。伴閒雲、輕鷗孤鶴。鹿門夫婦竹溪賓友。柴桑籬落。任清露涼侵袂薄。對扶疎、叢桂此景非惡。漸斂浮雲。夜半月臨虛閣。庾樓人坐水壺裏。欲乘鸞飛向寥廓。且擲盡醉休論塵世。受他羈縛。

潤城懷古

程康莊

吳頭楚尾。恰把酒茫茫。凭闌無已。眺望山形依舊。江濤如此。夕陽落遍晴帆。遠挂譙樓。西風影裏。伯符兄弟。寄奴賓客。飛揚颺起。憑誰信。英雄不死。但滿目蒼涼暮雲平矣。虎踞龍爭。鐵甕儼然雄峙。兵聞北府。疇爲用。只京口。沽來酒美。旗亭月滿。夾堤喧市。紫簫聲沸。

姑蘇懷古

徐階鳳

金風送暑。見十里花洲。荷殘淺渚。江水澄鮮。一碧落帆如雨。蘇臺勝蹟。今何在。映斜暉。老楊三五。画船歌歇。戍樓笳動。幾家砧杵。問昔日吳宮美女。歎香消西館珠沉南浦。吳越興亡。豈盡蒼天爲主。前吳更有後吳矣。剩荒臺蟋蟀相語。獨憐秋月年年似鏡。照人今古。

四十九歲感遇詞

余懷

江山依舊。惟捲地西風。忽然吹透。只有上陽白髮。江南紅豆。繁華往事空流水。最飄零。酒狂詩瘦。六朝花鳥。五湖煙月。幾人消受。問千古英雄誰又。况霸業消沉。故

園傾覆。四十餘年收拾舞衫歌袖。莫愁艇子。桓伊笛正。落葉烏啼時候。草堂人倦。画屏斜倚。盈盈清晝。

立秋

陸進

梧桐堪賦。忽搖落秋來。惹起愁緒。天末涼風。乍動美人何處。羅衣紈扇。驚時序。下庭階。紛紛白露。兩湖蓮葢。大橋柳色。倩誰爲主。况此際。閒情無數。奈簫咽西樓。砧催南浦。門掩清宵。燈似和人相語。漏聲滴入芭蕉。雨使沉沉不教天曙。怕他重見寒生。錦瑟舊懷難訴。

香舂亭看桂

顧景文

小山橫簇。看澹日烘雲。堆滿金粟。閒倚青紅。亭院晴飄。輕馥。深叢占斷。三秋景。倒芳樽。細傾千斛。寒蟬猶咽。啼螿乍起。晚風搖綠。更旖旎。睡魂初足。共免影蟾光。一生相逐。袖滿天香。肯把翠睂微蹙。紅牙小板。涼州管。且偷翻桂枝新曲。露濃人悄。玉京吹下。向花間宿。

蟹

朱彝尊

緯蕭截水。見半漾湖波。半撐湖嘴。此際菱歌漸少。滿腔香穗。魚師菰飯。新炊後。任欹斜。撇頭船艤。肥沙響處。連江露白。一燈紅細。便入跪雙螯。都利。被筠筐掩就。仄行無計。試放閒塘。蓼岸描成秋意。須愁解甲。隨潮去。添瘦葦。一枝扶起。履霜聽遍。聲聲宛似玉琴絲裏。

前題

新霜晚渡。見燃葦鴻天落潮魚步。盡掩青筐縛。急腥涎
齊吐。津門水市無人問。聽軋軋小車鳴路。攜來九陌不
知還有酒徒閒否。又何况鄉園秋暮。任空江築舍斷
沙名浦。酥片金穰那管玉纖黏住。橙陰菊外登高宴。捉
鯛陽甕邊儔侶。年年長擘燭斜画舫水凉朱戶。

憶往

李良年

粉墻如雪。認枇杷幾樹是相思葉。水榭吹紅點點上他
裙屨。玉鈎暗捲玲瓏竹。儘移燈載愁雙楫。鞦韆香細落。嬾
雲微映枕函斜月。記密寫薤書鈿盒。有蛺蝶見來鸚
鵡能說。十載征衫空做一番離別。乞漿崔護今憔悴。怕
重尋笑人桃靨。如何夢裏相逢依舊好花時節。

蟹

早杭初刈。正墜葉點溪半篙秋水。郭索無聲橫蹴晚凉
疎葦。延緣野老投竿罷。又潛來鷺沙邊艤。滿攜雙籠數
錢長在曉風漁市。又重趁天涯倦旅。把江北江南閒
較丰味。喚煮看擎。小疊赭衣匡背。珊瑚難得春蔥擘。迸
微紅水晶盤膩。菊香搓後長亭一任酒帘搖翠。

前題

宋 犖

江湖歲晚。正水落空洲。楓下高岸。設斲平沙。敗葦燈光

零亂輪囷。乍向臨流得掩青筐。霎時皆滿。誰憐攜去。漁
莊草舍清霜一片。又早是重陽。欸宴歎秋色殊佳。籬
金初徧。幾處酒人對擘。新橙同薦。老饕只愛持螯嚼想
看山曠懷如見。還從醉後茶烹石鼎。恍窺雙眼。

前題

鈕琇

蘆花颭雪。正遠岸夕陽。秋老時節。初見寒汀出水。暗莎
衝穴。西風吹醒。與亾恨。稻雲黃。年年吳越。沫拋珠碎。臍
圍壁小。橫行相接。記舊賦老饕會說。喜小字金錢。沈
醉香骨。况有橙心黃破。菱腰青折。而今空憶江南好。問
何時重整歸檝。織簾霜後。篝燈星下一樽魚篋。

過北郭廢第有感

沈爾燦

繁華盡歇。有野葛披牆。荒蘿侵埤。物換星移。幾度淒涼
時節。銜城一片斜陽。晚焰平蕪。淡黃明滅。傷心誰是無
梁棲燕。有枝藏鳩。憶前度尋芳。剗草便磨洗。猶存池
上碑碣。此日重來。不見耕鋤。摧裂斷垣。西轉人家在聽
聲聲絡緯。淒切秋風。禾黍問誰譜。入野狐遺闕。

送蔣開泰同學鄉貢遊雍

潘宗洛

制科帖括。慣賺盡名心。添了華髮。聖主憐才。憐到秀才
僑盼。明經三十。猶云老摠輪君。少年時節。山亭家世。竹
山詞卷。後來英絕。喜此去閒坊靜業。把夏課驚傳。壓

倒群傑。五次掄元上舍。都人應說。今朝相送雙溪外。到
迴颿錦標先奪。河橋楊柳也知滴翠。染君衣。招諸葛武侯曰殷
在嗣秀才當今僑胥也國史補
云三十老明經五十少進士

秋夜

釋原詰

寒蛩語細聽。訴盡淒涼客。心將碎。不捲珠簾。怕見月華
如水。羈愁黯黯。渾如醉。爲悲秋一番憔悴。碧天空闊。画
樓縹緲。鳳簫初起。昔曾向花間竹裏。把玉卮。浮白縞
袖凝翠。自去瀛洲仙馭。頓忘塵世。而今諳盡愁滋味。更
休提故人千里。夜闌酒醒。參橫斗轉。最憐無寐。

玉燭新

上元獄中寄憶

龔鼎孳

天街風定後。想画鼓雲繁。絳籠星就。虎城豹柝。輕煙外
逗出銅龍春漏。侯家錦毯。醉不了珠場花候。誰信道青
鬢孤臣。今宵雪霜盈袖。依稀燭下屏前。有翠靨綃衣
月明安否。小肴應闕。恨咫尺不見背燈人瘦。香柔粉秀
猛伴得英雄搔首。千古意惟許冰絲平原對繡。

玲瓏四犯

味墨紗燈

李符

誰擘珊瑚嵌幾幅。蟬紗向玳梁挂。淡墨輕勻籠住燭花
紅射。黯黯片鏡無光。偏照出粉粧姚冶。似朦朧蟾彩凝

煙真有藥蛾飛下。更看面面花枝好。訝雙蕖亂開春
夜。依稀四角懸針字。猜謎消瓊筭。蛾綠忽倚玉屏蕙苗
指眼波微瀉。露月華裙子。一般顏色關他圖畫。

壽樓春

無題

朱彝尊

天桃花清晨。記晴窗挂鏡螺黛初勻。驀地鸚歌傳語捲
簾逡巡。纔一笑。渦生春。悵無言。嬌含朱唇。乍茗椀携來
湔裙去也。微步洛川神。同心苴同心人。裁春山綉鳳
疊就紅巾。懊恨明珠難斛。燕書無因。深巷小生。秋塵歎
重來。烏龍信信。想人面依然。春衫着應穩。稱身。

占叔將歸西泠詞以調之

龔翔麟

迎潮樓玲瓏。見鰕鬚卷處長擁蟲蟲。月午花辰爲侶。擷
香芳叢。燒筍候蘭闥中。網粟留羹調織蔥。却坐傍狻猊
碧山銀椀。先勸酒鱗紅。江淹浦愁雲濃。問吳儂何事
一霎飄蓬。從此勞勞亭外。水郵重重。休計日經春冬。早
鏡奩魚噏頰茸。判歸受伊憐。須抽綠帆黃雀風。

擬樂府體

陳枋

呼天椎心兮。陡絃摧柱促。垂涕交頤。憶昔生而無母。慙
孫何依。翁念我呱呱啼。一雛生兮。諸雛饑。我卽此雛耶。
翻飛久矣。吐哺不知誰。余嘗讀陳情辭。曰西山日薄。

願遂初衣。奈已時當終養。貴兮何時。縱不羨他家兒。奈
釜中何無餽糜。老年起長嘆。令人聞之心骨悲。

又

歌聲何其哀。豈情傷窈窕。心實難灰。誤到盧家堂後屏。
爲予開三十六鴛鴦排。釵挂冠兮無嫌猜。誓與締絲蘿。
胡爲竟爾中道兩相乖。青鸞自東方來。惟佳人贈我
金錯。攜回。上有雙鴛之綺。寄言君裁。長決絕朱顏催。更
復何言君奇才。卓家重錢刀。高車問君安在哉。

又

噫吁嘻。悲夫。聲何淒以苦。歌者誰乎。顛叔敖之苗裔。負
薪而呼。饑欲死。其田蕪。富貴兮於人何如。作相亦徒然。
人何羨。彼官至執金吾。余曾見東城隅。有華騶閔巷。
朱轂橫衢。賓客私言陰事。妻兒無辜。俱一一窮邊徂。問
幾何時歸來歟。長貧慎無悲。貧家子孫居里閭。

又

家居何其難。有東鄰北里華轂朱干。昔我同門之友。刺
肥乘堅。曾遇我如雲端。車鬪風兮摧人顏。匿避立溝中。
無言自念。余足豈盤跚。中宵起三長嘆。復何爲鬱處
行矣關山。且駕敝車羸馬。往來長安。輕薄亦紛紛然。予
寧悲歌行路難。丈夫賤而貧。安能側身鄉黨間。

又

長安稱名都。笑咸陽賈客。衛霍人奴。且拉當年屠狗醉。而歌呼。時擊筑。時吹竽。有灌夫兮真吾徒。一笑不知他。將軍貴士。罵直一錢無。何爲曳王門裾。彼朝趨市者。毋乃勞乎。我則焉能局趣。效夫轅駒。食彈鋏而無魚。駕扁舟兮歸五湖。薄田粥於斯窮愁。不如多著書。

又

書成非周秦。降而更作賦。詞學凌雲。昔有成都司馬慕。其爲文。其體麗。楊雄能。奈字奇兮家長貧。閉戶草玄言。爭譏覆醬人。罕至其門。今益信桓譚云。惜其無祿位。

書不驚人。賤子喟然三嘆。感而傷神。獨不見乎東鄰小兒成名。繙兩論。咄哉豎儒。生終年行吟。何苦辛。

又

酸辛悲無成。有牀頭老鐵。屈作龍鳴。自笑男兒須學萬人之英。余計決從軍行。槩脚前驅三千兵。袴褶束黃皮。狂呼促拍劍器舞縱橫。時顧犬時呼鷹。且南岡射虎。飲馬長城。意氣差爲豪耳。忽焉忘情。燕領獨非書生。我何爲終年執經。丈夫覓封侯。如其數奇身所輕。

又

封侯圖凌煙。嘆麒麟臥塚。蔓草荒原。思玉關之生入不

如歸田。君不見留侯言。願謝君王捐人間。賤士本無徒
安期海上予。盍往從焉。人爭笑余狂顛。聞吹笙博矢
騎鶴乘鸞。舞奏霓裳。三曲樂名鈞天。行樂不知何年。故
群真遊乎芝田。若君日言愁。終朝戚嗟焉得仙。

木蘭花慢

中秋味月

吳偉業

冰輪誰碾。就千尺起。嘯臺東。記白傅堤邊。庾公樓上。幾
度曾逢。今宵廣寒高處。問姮娥環珮在何峰。天上銀河
珠斗。人間玉露金風。聽江樓鶴唳橫空。人影立梧桐。
有宮錦袍緋。綸巾頭白。鐵笛仙翁。欲乘月明飛去。過嚴
城下界。打霜鐘。醉臥三山。絕頂倒看萬個長松。

話舊

西湖花月地。櫻筍熟。鱖魚肥。記粉袖銀箏。青簾画舫。煙
柳春堤。驚風一朝吹散。歎西興兵火。渡人稀。白髮龜年
尙在青山。賀監重歸。恰相逢紫蟹黃雞。猶唱縷金衣。
奈狂客愁多。秋娘老去。落木烏棲。無情斷橋流水。把年
光流盡。付斜暉。世事浮生。急景道人抱膝忘機。

過濟南

天清華不注。搔首望白雲齊。想尙父夷吾。雪宮栢寢。衰
草長堤。松耶栢耶在否。祇斜陽七十二城西。石窳功名

何處鐵籠籌算都非。儘牛山涕淚沾衣。極目雁行低。
歎鮑叔無人魯連未死。憔悴南歸。依然洋洋東海看諸
生。奏玉簡金泥。誰問碣磔戰骨。秋風老樹成圍。

避兵

錢繼章

問南飛鳥。鵲欲繞樹。樹偏疎。歎生也何辰久。拚戴笠不
擬乘車。家添鶴鹿三口。又滿船風雪。類歸漁。散髮行吟
倦矣。焚琴晦跡方初。庭前百草互盈虛。春雨莫憂渠
儘由他。分定誰知。饑飽莫問肥臞。最憐杜陵驥子。痛棲
棲。飄泊果何如。幸共鄰兒把釣。休如乃父耽書。

飲乳魚軒

余懷

老農兼老圃。問此地是誰家。正紫燕歸梁。白鵝浮水。粉
蝶排衙。陂塘東風漲。煖小山邊。開徧杜鵑花。玉版新篁
褪粉。金錢蓮葉含芽。閉門閑種邵平瓜。漁釣是生涯。
况公子西園佳人。南國醉帽欹斜。來往風流。二老聽乳
魚軒外。一池蛙。匙滑清香。蓴菜盤堆爛熟。枇杷。

過馬湘蘭故居

顧貞觀

數鳴珂。舊曲誰第一。擅歡場。有燕骨千金。楚魂九畹。姓
氏餘香。秦淮尚流膩粉。奈溫柔改署。白雲鄉。碎玉一聲
何處。迢迢銀漢紅墻。散花曾許嫁王昌。半偈衲衣償。
聽長板橋頭魚山清。唄別是淒涼。鄰庵漫題孔雀。羨當

年三十六鴛鴦。對此莊嚴妙相。從他惱亂柔腸。

別意

沈豐垣

慣銷沉歲月。離別意兩相關。奈葉落銀牀。燕辭翠幙。風景初寒。無端又蛩吟響。惹離人愁緒。積千般。畫碎檀香。小几低徊。細數前歡。花間笑整綠雲鬟。人靜掩屏山。証溪盟。只指風姨。婉轉月姊團圓。難拚自輕分後。漫空畱羅袖。淚痕斑。誰在暮煙影裏。紅樓寂寞。凭闌。

過故友周文夏園亭

陳維崧

東風昏似夢。又吹我此間行。算有限歡娛。無多光景。也費經營。曾聽笑呼猿鶴。待功成綠野。始尋盟。空却池塘。睡鴨畱些。欄檻穿鶯。盈盈殘月。不勝情。依舊下簾旌。歎堤楊尙短。林花未滿。舞館先傾。清明滿園。蝴蝶只和煙帶雨。舞迴汀。黃雪廊邊。舊事水明樓畔。前生。

戊午中秋同旣庭賦

昨歲中秋與旣庭同在玉峰三友園

舉觴浮皓魄。何故向客中圓。只斫月吳剛。登樓玉粲。一樣難眠。長安金波萬頃。儘六宮三市。浸其間。天上桂輪。晶餅人間。玉臂雲鬟。年前曾在馬鞍山。半醉恰憑欄。對丹崖翠瀑。狂歌曼嘯。漏盡纔還。誰憐萍踪無定。又天街攜手。共君看。今夜鳳城雙闕。素娥分外嬋娟。

月下笛

賦得舉頭望明月低頭思故鄉 蔣景祁

玉杵搖光金樞轉夜素波千頃。姮娥殿悄捲晶簾弄妝鏡。寒聲蕭颯凌空至。最怕是烏鵲驚棲不定。又沉沉雁字遙天飛度。鳳樓無影。夜丙漏方末。奈焰小燈昏曲闌低凭。幽暉耿耿團圓。此意誰省。多情特地來相照。照不出流黃杼冷。露正下聽。頽垣一縷秋蟲細引。

蠟梅香

本意

錢芳標

墻角亭亭。襯欲雪凝雲。漸晡寒日。料得東皇驛舍。煥催芳信。幾丸先坼。約畧檀心。渾未透。蜂兒消息。正靚粧人含章睡起。試安嬌額。折供膽瓶。斜怕吹來橫管。蘇砌狼籍。一線幽芳襲。縱玉爐蘭燼。讓他燃蜜。小幅泥金淡。淡把孤山描出。向曆殘時。松醪偏浣。杏衫春色。

珍珠簾 蕢洲譜

味簾

沈岸登

綠筠剪取煙江畔。依然是帝子啼痕紅染。細節理千絲。更玉鈎長綰。象篋犀釘初上了。勝一片湘雲纖軟。深院更白珠連綴。翠羽橫卷。最怨陌上鈿車。被春風搖曳。暗藏人面。惆悵碧紋迴。有冷波吹練。鎮日珊瑚慵不起。便串斷蜻蜓。誰管銀蒜。休誤了歸來。画梁雙燕。

憶舊

顧貞觀

櫻桃讌罷人歸後。正煙籠淡月疎窗如畫。紅藥欄邊當日親攜素手。睡起微聞花歎息。似記得星星密咒。依舊對漂香泊粉。幾枝清瘦。不久心期輕負。爲深憐痛惜。越添憊憊。十載綺羅情對。昨宵殘酒。誰道醒來都是恨。只剗地曉風楊柳。知否。料古今一例斷腸回首。

賦得水晶簾下看梳頭

曹貞吉

雕房幾曲桐陰裏。金塘側第一傾城姝麗。髮鬢照人明學遠山螺髻。蟬影花光相撩亂。襯一片芭蕉濃翠。清綺更珊鈎犀押冷波橫地。疑是月底初逢。被水輪掩映。緜綃情思。宛轉玩瓊顏倩曉風吹起。人在銀河清淺處。倚白玉欄杆如水。心醉。想道書慵把幽懷旖旎。

宋牧仲先生齋賦白鸚鵡

蔣景祁

琉璃屏展瀟湘水。金籠小風起。雪衣愁曳。一道軟銀絲似五絲長繫。學戴黃冠時。世异拜月裏。頻呼嬌字。無睡莫明妝。太淡偷眠花藥。會記家在扶南。奈故鄉別久。歲年彈指。道客幾時來。盼暮雲千里。香稻清泉親滌好。漫爲爾加餐滋味。良會。問新聲填否。爲卿細倚。

時南海梁藥亭

水龍吟

寫懷

葉紹袁

寂寥蘋渚蘅臯。道書讀罷香銷篆。松聲入坐。藥欄紅亞。美人蕉釧。極目平蕪。天高水遠。蓮歌遊遍。且藤壺汲煮。青衣小袖。點取鳳團香片。自把秋棠手洗。粉墻西翠。梳新鈿。開簾風動。画屏琴石。輕陰滿扇。挹酒盈尊。摘花侵暝。夜涼迎面。更堪娛。又有椒篇絮句。麗詞常見。

送孫浣心之真定

史一澤業

無諸臺上春風燕。南魏北聲名起。金戈角巾歸里。種柳門前。藝瓜陂下。北窗極對。遇天涯故舊。貽書到。一鞭行李。滹沱水。挾瑟高堂。趙女問叢臺幾。

人珠履。青史紛爭。干戈談笑。陳餘張耳。漢壘秦軍。李龍宮苑。消沉何處。向孤城。但有寒鴉落木。暮天羈旅。

爲內弟壽

龔鼎孳

繡弧懸在當門。右麟錦燦。徐郎手。丹山躍彩。天閑馳駿。駟閭增舊。叔寶神清。終軍年妙。名場推首。羨朱纓五珥。龍文虎脊。青雲器。人能否。滿日烽橫。刁斗。眺中原難。眠清晝。男兒事業。紅旗黃紙。絕塵而走。簡點秋螢。讀書彈劍。且停花酒。願時平。一老婆娑澗石。更爲君壽。

紀游

曹溶

官家乞與閒身。此行只費登高賦。泥輕金管。粧寒玉鏡。

茫茫客路。鵲信潮平。蘭心月悄。佳期未遇。爲知音江左。
周郎入座。爭擊節。斷腸句。俠少場中。盡識恣歌呼。不
隨塵土。珠鞭墮馬。錦簾窺燕。好春如故。烏帽猜斜紫袍。
嫌冷。喚名猶誤。怕重逢。又是雨散雲零。鴉啼古渡。

元宵

宋徵璧

人間天上。風光人生難遇。元宵霽。春生月殿。煙浮銀蠟。
香飄蘭穗。匝岸星橋。雙株火樹。同莖共蒂。喜增城不夜。
喧闐競賞。都付與猜燈謎。幾處華堂鬪麗。奮長鯨魚。
龍驚戲。九微百子。芙蓉菡萏。畫樓遙繫。翠幄窺青香塵。
承步芳郊。連臂。但徘徊。只問姮娥。幽獨有何歡意。

清明用東坡韻

史可程

水村山郭。尋春濛濛。滿眼楊花墜。燕泥紅。啄鶯梭翠。擲
撩人愁思。舞困榆錢。紫殘梨雨。泉臺深閉。想名題雁塔。
勳高麟閣。杯酒醉君難起。寶馬香輪歸去。更青苔繡
茵鋪綴。墨山過雨。桃蹊吹浪。一湖雲碎。妍景迢遙。煙光
杳靄。冶游心醉。笑浣花詩。叟爲春煩惱。濺高樓淚。

楊花用東坡韻

王士祿

玉堦晝晷。全傭任教。細逐桃花墜。撩他燕。眈眈他鶯。囀
曉情暮思。天與顛狂。去來那管。重門深閉。看將低。仍感
依稀。思婦眠初。妥還驚起。纔到暉邊。欄畔又輕拈翠。

屏朱綴似捎似趁無拘無管攪將春碎解伴年年多情
春草無情春水更紅簾揭處幾番偷入伴人嬌淚

揚子江上作

王士禛

岷峨萬里滔滔荆吳九派來南紀潯陽東下秣陵西望
吳頭楚尾鐵甕風高海門雁斷角聲初起歎從來多少
英雄割據都付與東流矣盡道長江天塹暗消磨幾
番戰壘獅兒年少寄奴老手正堪相匹北府風流子有
孫權甥如無忌到而今洗馬臨江愁絕一天煙水

燕子磯

陸求可

澄江點點殘霞遙看昔日真人氣偶來登眺海天空闊
下臨無地江北江南青山對面晚雲如髻向天公搔首
驚人好句索此處高吟耳多少梁陳舊蹟都付與斜
陽影裏茫茫今古有誰認得臨春結綺乘興而來不須
畱戀早歸休矣怕今朝石燕興亾感歎凌風飛起

送張菊人

吳綺

繞城多少樓臺一春悶鎖桃花雨靈和新柳風流重見
故人張緒剪燭窗深抱琴臺敞同傾芳醕笑華陽白鶴
陡催離恨又分手蒲帆渚回憶青溪舊處兩狂生詩
歌酒舞無端小草心旌馬上鬢綠吳楚梁苑聞雞王家
賦燕儘成飛絮把相思付與歐餘山色送君歸去

味楊花和坡公韻

尤侗

捲簾但見飛花何時開起何時墜。玉人如夢隨風遊戲。幾多愁思。爲問章臺青青在否。宮眷應閉。剩蠻腰解舞。飄飄上下。還學三眠三起。分付雕梁燕子。好銜將小巢縈綴。謝娘纖手。搓來捏去。團成復碎。忽地傷心。人間天上。落花流水。倩軟綿堪拭。此中洗面。只餘清淚。

前題

徐士俊

鶯兒啼老枝頭。捲簾無數春光墜。池邊風色。檻邊雲影。長懷短思。好似郎蹤猶疑。妾夢重門深閉。惜芳菲拋擲。韶華撒漫。奈幽病扶難起。不是霜花亂舞。倩誰將軟綿縫綴。馬嵬坡下。佛堂西畔。輕將魂碎。那比樓東一枝梅萼。瘦臨寒水。便有人。唱道江南落盡。暗彈清淚。

清涼寺卽日用東坡韻

杜濬

夜來雨雪廉纖。誰人灑向空中墜。登峰一望。些些點點。徒縈旅思。寂寞僧居。茶煙出戶。畏寒堅閉。笑書生苦問當年戰蹟。那說向從頭起。不是烏林赤壁。是兒童分曹牽綴。兩家奕局。一般拙手。忽然摧碎。南亘方山。北蟠鍾阜。西流江水。到面前。只有東風吹落。杜陵雙淚。

又用少游韻

少游體與諸作微異

小春過去匆匆。向雲飛靄。何其驟。清涼寺古。莫愁湖澹。

晴寒氣候相率凭高臨風縱目白邊青有看城烏宿處
檣烏近鴛汀對面排鴛甃却顧長江遶後湧鯨波層
層還又龍樓閱武英雄去後健兒都瘦西楚迷方南寇
何在魁然囚首獨長陵北望茸茸紫翠雪消如舊

和放翁韻

余懷

白雲黃石人家山中宰相推前輩布衾似鐵湘簾似水
有人酣睡劍削芙蓉書裝玳瑁都無塵累聽鷓鴣啼罷
霓裳舞破千日酒真堪醉說起英雄兒女哭東風幾
番揮淚明年五十江南游子九分憔悴白髮臨頭黃金
去手負凌雲氣待何時倩取麻姑烏爪爲余抓背

一夜

毛先舒

恍然夢影樓臺花枝亂學宮腰舞雲肩躡着微紅淡綠
慙慙看嫵明月離闌好風羅袖半飄香雨自空梁燕別
春深不見絮簾外雙雙語想得非關此世飲瓊漿夙
曾邀取如何一夜樹頭樹底殘英無主光景流波此身
也是西陵坏土只鍾情無奈年華垂老越添淒楚

酬雪晴寄画

潘高

惟來日晚矐矐雲山縹緲當窗起分明却是雨生春嶂
煙橫秋水夢斷西陵酒醒南國一時情思念短籬斜插
雙扉空掩却珍重遙相寄爲画南村野老手扶犁華

陽山底。故人知我平生清興。由來如此。孤艇潮平。大兒收網。小兒垂餌。看登盤縷鱸盈。樽濁酒向江天醉。

寄東會

樽前思滿南雲。故人消息何由至。依然夢着銅官春雪。玉潭秋水。白髮青燈。一時懷舊。月明東起。聽煙鐘初歇。霜鴻西下。有盈把雙行淚。欲說平生落拓。漬春衣酒痕誰記。可憐回首。故山深處。廿年知己。一笑雲空離情天遠。如何相綴。問扁舟何日重尋舊約。在煙波裏。

題友人舟中小像

周而衍

人間塵海茫茫。驚濤濁浪連天表。道人見慣。高樓大艦。

知他多少。送盡牢騷牽成別恨。載將煩惱。只清晨鼓角。黃昏更點。把地老天荒了。檢得滄浪清處也。何須十洲三島。眼前長是丹崖碧嶂。白蘋紅蓼。一葉雲深。一帆風細。一絲煙裊。向空明擊汰。科頭箕踞。對江天笑。

春思

黃錫朋

一竿紅日催人起。來百舌枝頭鬧韶光。初媚花期將屆。條風先報。垂柳含金。平莎帶嫩。正堪游眺。歎黃塵紫陌。名韁利鎖。知辜負春多少。猶是輕寒料峭。問良辰芳菲漸到。江汀煙靄。紅橋画舫。幾人歡笑。靚女明粧踏青歸。晚不勝窈窕。未多時又是雙雙紫燕穿簾鬪巧。

書懷

張迎禕

臞翁不掩茅齋料無車馬輕相過。匆匆朝市奔馳猶怕
光陰易蹉。笑指迂顛咯嗒焉。若喪隱几而臥。問牀頭金盡
功名又落吾曹後。悲無那。澹泊襟期較可。諒蝸廬難
指大。萬鍾五鼎殘杯冷炙。一般堪唾。世事雲翻。人情
雨散等閒窺破。把南華一卷。輜川半幅。抵英雄座。

秋日邸中感懷

周漁

幾年人客長安。殘春未久。秋來矣。朝朝暮暮。馬塵封面。
車聲貫耳。易水風寒。景山雲障。倩誰知己。向鷓鴣群鷺隊。
隨波逐浪。更無個人堪語。待趁征鴻南去。又無緣出
樊生羽。盈眸遠矚。楚天何處。尊鱸空美。故國神遊。異鄉
魂斷。幾重煙水。算將來海角天涯。隔絕有三千里。

聞雁

錢芳標

乍晴紋簟涼多。碎砧敲歇。初更靜。難成旅夢。一尊閒對
風簾燈影。隱隱高空數聲何處。月微煙暝。爲稻梁催去
瀟湘千里。早排箇銜蘆陣。擬把江鄉書倩水。湛湛遠
灘楓冷。倦翮連翩。夜寒應傍鴨闌。魚艇塵滿。細箏十三
絃柱。不堪重整。記廿年前。向秦郵野泊。有人同聽。

粵秀山東友

顧貞觀

海天落日。憑高樓船南下。標銅柱。榕陰不斷。鷓鴣飛上。

越王臺樹香浦魚沉珠江雁杳花田無主算由來間氣
英雄粉黛一般到消魂處。喚起柔情俠骨定相憐客
愁孤注韶光正好爲誰擲向蠻煙瘴雨荳蔻仍含檳榔
暗吐欲留難住判千金散盡自攜寶劍陸生歸去。

送丁飛濤返武林

許承家

故人萬里歸來東山寺裏寒燈語紛紛塞馬茫茫槐蠹
飄風飛絮不飲如何會須作達舊繁華處奈白公亭子
三生石下又早促蒲帆去。回憶燕支戰壘魂消盡撫
今弔古此行重問扁舟明月大江春樹京口神鴉吳門
匹練送君還路更相期握手錢塘秋夜看胥潮怒。

謁張子房祠

朱彝尊

當年博浪金椎惜乎不中秦皇帝咸陽大索下邳亡命
全身非易縱漢當興使韓仍在肯臣劉季算論功三傑
封畱萬戶都未是平生意。遺廟彭城舊里有蒼苔斷
碑橫地千盤驛路滿山風葉一灣河水滄海人歸圮橋
石杳古墻空閉悵蕭蕭白髮經過孽涕向斜陽裏。

白蓮

綠雲十里吹香輕紈剪出機中素銀塘一曲亭亭何限
露盤冰柱玉腕徐來青泥不動乍鳴柔櫓惹沙鷗撲鹿
雙飛不見又何況雙棲鷺。好手画師難遇倩崔吳鼠

鬚描取翠衿小。鳥黃衣稚蝶。添成花譜。雲母屏風水晶簾。額冷光交處。爲秋容太淡。嫣然開到小紅橋路。

前題

李良年

陂塘五月風來水。蒨花外娟娟別。一灣銷夏滿池香影。數莖冰雪。蓋掩鷗輕鬚黏蝶小也。憐清絕。料新粧慵鬪。盈盈墜粉。早洗盡胭脂靨。猶記東林千葉笑。芬陀楚人曾說。冶游更憶江鄉秋早。玉纖思折。白筋斜穿冷蟾移映。水雲明滅。只此時難認等閒溼了。画羅裙褶。

前題

毛奇齡

前湖十里芙蓉到。門皦皦明如練。波光雲映。蘆碕鷺下。宛然一片。細蒨含鉛。青房瀝粉。素珠成串。便採蓮紅女。絳裙千褶。遮葉任有誰見。只爲社中人散。倚遙空削成難辨。赤欄橋子無端愁把碧天遮斷。月下飛香霜前落蒂。容華將變。但秋衣未製。剪來朶朶不須染茜。

前題

李符

天孫織就輕綃。問誰剪綴銀塘冷。玉容倚翠。芳心抱苦。半池開竝。水染成香。月溶無色。夜來難認。便湔裙人到。雙垂皓腕也。應妬水姿瑩。忽見萍分波淨。滿秋奩倒。窺粧鏡。祇須分付粉兒。捧酒雪兒。搖艇采貯。玻璃倩描。雲母北窗消領。怨涼飈乍卷。碎瓊收拾剩田田影。

前題

沈爾燦

三生浣盡鉛華紫泥不向冰肌污。織衣試縞峩冠切玉。蕭閒丰度。楚江欲采盈盈遙隔暗輸心素。爲掃眉淡了。蹇脩難託夢不到南薰路。零落真珠過雨。又凄凉月中承露。秋河未墜無情有恨知伊誰訴。飛去鴛鴦祇應畱蓋春鋤卓午。想紅閨晚晚可曾輕喚。捉杯來否。

春日送客過慈仁寺感舊

曹貞吉

尋常彈指聲中。優曇偶現空王地。海棠碎錦丁香衣紫。霞烘煙細。惡管哀絲青衫白帽嬉春情味。歎穠華電擲風流雲散容易下。中年淚。身是金閨倦客賦渭城重過蕭寺。倡條冶葉笑人岑寂樹猶如此。只有孤松似曾扶我。當時沉醉。倩禪燈老衲往來指點說他榮悴。

登瓜步江樓

徐之瑞

怒濤千疊橫江是誰截斷神鰲足。當年雄畧風雲叱咤氣吞巴蜀。江左夷吾風流頓盡神州誰復。但茫茫覩此河山非故悲何限吞聲哭。舊約不堪重續。剩荒臺晚鴉殘木。依然別恨傷心千古春江猶綠。去日以疎憂愁離亂浮生何促。指三山縹緲凌雲東去醉吹霜竹。

客中咏落梅

許旭

悶人輕雨輕寒。夜來窗外誰相款。閒猜浪憶竹梢無響。

柳條猶短。曉看庭前玉鱗瓊瓣。平平堆滿。把何郎閣畔。
粧成粉砌香盈處。徐吹散。休恨東風狼籍。剩相思好
枝一半。心情似夢。恁由他去。都無拘管。驀惜年華。隴頭
人阻。寄來應斷。儘平生薄倖。憐渠可奈。任伊零亂。

梅雨

吳本嵩

綠楊溪水。平橋雨聲。一夜新荷碎。沉沉庭院濛濛。屏障
厭厭。殘醉細浥牙籠。頓寬箏柱。又寒鴛被。聽鶉鳩相喚。
磯頭池角。報簾外東風膩。煙靄欲明還未。但悶壓曉
來天氣。汗粉生潮。酒香成暈。不關珠淚。極浦蒼茫。野田
瀾漫。阻人歸騎。正梅黃。迤逗閨中心性。似伊滋味。

禹廟

姜 垚

會稽山色飛來。四千年外。斜陽暮。金書玉簡。日移星換。
依然王土。萬國衣冠。九州筐篚。共尊神禹。到如今。賸有
空山古廟。賽里社。喧巫鼓。勝事何堪說。與任苔痕橫
纏。煙雨荒堦。草掩秦碑。翠鬢梅梁。粉蠹鐵騎。猶嘶金戈
乍吼。夢迷前浦。看殿庭。斫盡松杉。杜宇欲啼何處。

秋日飲蝶庵紀坐上人語

陳維崧

萬家砧杵。秋城重來。何處尋門巷。三年一別。孤身作客。
蠻江煙浪。綠幘榕城金樽荔浦。慣陪牙將。自連天烽火
舞衫換了。亟爲買歸吳榜。屈指當年儔侶。舊梨園蜂

惆悵。或伴侯王。或成駟僮。或淪廝養。縱剩柔條。也應不似灞橋模樣。趁啼鳥乍歇。霜天漸曉。撥箏琶唱。

江行望秣陵作

輕舟夜剪秋江。西風鱗甲生江面。瓦官閣下方山亭外。驚濤雪片。一帶蔣州千等鐵鎖。等閒燒斷。只波間皓月。流光欲下。舊曾照金陵縣。何處迴颿。搥鼓更玉笛數聲哀怨。回思舊事。永嘉南渡。流人何限。如此江山。幾人憐惜。斜陽斷岸。正江南煙水濛濛。落盡楚天新雁。

揚子江上作

俞兆曾

排空萬派奔騰。長流滾滾。憑驅掣。襟淮帶海。怒濤日夜。濺銀堆雪。衰草沿堤。荒蘆夾岸。幾番殘齧。問誰爲喚取。馮夷起舞。銷沈盡英雄血。漫說龍驤鳳舉。也紛紛灰飛煙滅。至今堪憶。隋宮吳苑。斷潮嗚咽。鐵甕雲霾。金山月小。沙沉戟折。對斜陽。不禁神悽洗馬。一般愁絕。

秋夜同二兄作

陳維岳

幽牕明滅。書燈含毫。餐盡隄糜汁。蕭蕭琴劍。誰憐寂寞。淒魂黯色。早聽涼颼。俄看竹影還聞蟋蟀。總支離無賴。愁容瘦骨。搜佳句。渾難得。同病相憐。吾汝但擁被連牀。相泣好似當年。趙家姊妹。貧窮時日。古昔佳人。今朝才子。雅堪相敵。且莫嗟。裘敝。自寬自慰。閒吟閒說。

憶故園

曹亮武

吾家水木殊佳。當年宛爾如圖畫。月明春曉，風清秋晚，紗窗無罅。桂樹香濃，芙蓉豔冷，醉眠深夜。况歌喉婉轉，雙鬟纖手，又相送鞦韆架。邈矣簷鈴巷柝，更寂寞地，衣裙袂。舊時賓客，不聞珠履，鳥啼花謝。世事皆然，幾能長好舞臺歌榭。只夢中還認，西園梅樹，在松陰下。

同友步烏龍潭放歌

周清原

雪消風定寒輕，軟塵不動前山露。昭陽日影，喜先飛着，那人看嫵。画出青蛾，添些紅暈，不教雲霧。快良朋過我，相携蠟屐，同踏到龍吟處。舊日傳書之浦，事荒唐話。

言休絮。井欄空碧，依稀彷彿，洞庭間路。老樹千頭，寒潭一片，滄桑今古。放浩歌歸也，支離叟在，且爲吾舞。

垂絲海棠用方秋厓韻

汪森

曉來鳥哢新晴，綠窗喚起人微醉。鉛華乍洗，胭脂淡試，露條裊翠。嬌態誰扶，靚妝自整，玉屏纔倚。看蜂黃蝶粉，紅絲輕惹，穿枝去如流水。早是困人天氣，對芳姿寄愁無地。羞他凡豔，李穠桃冶，怎同幽意。句好坡仙，吟慵杜老，總傳清致。恍風簾掩映，真妃斜暎，鬢釵春睡。

春夜聽鄰娃擊鼓

史惟圓

誰家画鼓頻搗，晚風送出深深院。梅英未吐，蘭芽猶小。

嬌同人面。綵勝新裁紫姑。休卜春衫紅茜。舞山香一曲。
手如惡雨。釵梁鳳。雙雙顛。良夜沉沉將半。憶年時南
樓歡宴。烏絲寫句。鷓鴣絃。度曲月斜人散。此夜何人。數聲
羯鼓。盡傳幽怨。隔牆東。不管愁人。和悶倚闌干徧。

次素庵感舊

閨秀 徐燦

合歡花下流連。當時會向君家道。悲懽轉眼花。還如夢
那能長好。真個而今。臺空花盡。亂煙荒草。歎一番風月
一番花柳。各自鬪春風巧。休歎花神去杳。有題花錦
箋香稿。紅英舒卷。綠陰濃淡。對人猶笑。把酒微吟。譬如
舊侶。夢中重到。請從今秉燭看花。切莫待花枝老。

感舊

葉純純

蕭蕭風雨江天。淒涼一片秋聲逗。香消菡萏。綠催蘭芷。
煙迷遠岫。浪隔星橋。雲遮碧漢。薄羅涼透。早無端拈起。
一簾愁緒。都作鏡中消瘦。寂寞文園秋色。這情懷問
天知否。簷鈴敲鐵。琅玕折玉。聽殘更漏。淡月疎檣。小庭
曲檻。暫消杯酒。便小槽引盡真珠。只怕淚紅沾袖。

前題和韻

葉小鸞

芭蕉細雨蕭蕭。雨聲斷續。砧聲逗。凭闌極目。平林如畫。
雲低晚岫。漸老金風乍零。玉露薄寒輕透。想江頭木葉
紛紛落盡。只餘得青山瘦。且問沈寥秋氣。當年宋玉

應知否。半簾香霧。一庭煙月。幾聲殘漏。四壁吟蛩。數行
征雁。漫消杯酒。待東籬綻滿黃花。摘取暗香盈袖。

避兵有感追和外祖母韻

沈樹榮

誰知到處徘徊。謝庭風景都非舊。画堂塵掩。蓬生三徑。
門垂疎柳。白晝初長。清風自至。流年空又。看多情燕子。
飛來還去。真個不堪回首。昔日嬌隨阿母。學拈鍼。臨
窗挑繡。斜陽樓外。熨殘銅斗。線紋渾皺。蠶欲三眠。鶯猶
百轉。落花時候。問重來應否。消魂試聽江城笳奏。

拜星月慢

本意

彭孫適

蓉炷初煎。花冠重整。小院四垂空碧。徙倚風前。聽銅螿
清滴。凝眸處。試問渡河人去。竊藥人歸。何日。霄路迢遙。
抱幽輝。終夕。正中庭夜未無行跡。更難禁私禱。偏羞
澀。早是聲喘頻吁。吹麝蘭氣息。墜金蟲手。自梳蟬翼。恁
時光莫道。窺顏色。只影兒。裊裊亭亭。儘消魂也得。

三茅觀

李式玉

拍岸銀濤。參天翠鬣。眼底江山如此。一帶丹城。望仙宮
迢遞。石闌上。刻着吳山第一。知是何年題字。背擁金湖。
隱隱笙歌起。法幢高。小院松陰閉。朝元罷。月上銀鸞
背。我欲閒煮丹砂。好爲朱顏計。怕生來不帶煙霞氣。醮

壇外裊裊爐煙細。待乘興探紫陽峰。問希夷醒未。

慶春宮

味三絃

錢芳標

瘦似燒槽。輕於焦尾。誰離四尺香檀。分軫難均。排絲有序。數來偶外餘單。文蛇蛻薄。試春筍。低挑漫彈。天生配合。紫竹紅牙。共話悲歡。教師翎雀新翻。腕底分明。滾出珠盤。回舸攜將。石塲賽去。平章錦隊花壇。十條刪却。厭箏柱。秦聲太繁。羨他僥倖。貼近裙腰。小鼓團圓。

瑤華集卷十四

齊天樂 二十首

宴清都 三首

畫錦堂 三首

瑤花 三首

石州慢 五首

柳色黃 二首

憶舊游 一首

安公子 一首

瑞鶴仙 二首

花犯 二首

瑤花慢 一首

喜遷鶯 六首

春雲怨 二首

春從天上來 一首

霓裳序中第一 二首

湘江靜 一首

探春慢 三首

澡蘭香 三首

看嫵 二首

雨淋鈴 三首

安平樂慢 一首

二郎神 第一體
四首

綺羅香 十一首

齊天樂

蟬

李良年

滿堦榆莢過墻竹日長初掃三徑鳩婦呼殘燕雛飛後
不許草堂人靜隔林遙聽恰吟侶參差綠陰遮定長記
拋書聲聲如在最高嶺柴關應誤來客亂喧晴葉底
剝啄難省葵扇慵揮桃笙乍展午夢幾番催醒井梧秋
冷漸移近朱欄有人閑凭一笑迴身鏡中看鬢影

前題

高層雲

枕屏曉帶行雲夢却還被伊催斷苦調才終悽吟還續
遞寫幾番幽怨柳塘聽倦忽竹院涼傳數聲差緩曲奏
迴風蕭蕭落葉玉階滿愁聞最是旅客對前村幾樹
頽照欹岸響咽尤悲音長漸澁引起離情無限當年蜀
棧和嶺畔啼鵲鄉心曾亂一片秋容淡雲凝望遠

送葉慕廬歸武昌

軟紅塵鎖長安夢還尋楚樓橫笛鄂渚霜催樊山月冷
漫叟杯尊猶溼黃衫烏幘颺一幅蒲帆影翻疎荻試譜
茶經洗甌先點葉家白幽探曾記雙屐吟情迷露草

風鬢蕭瑟。玉葉殘長檀香格小。勝事空成陳跡。蒼涼紫陌。又一度重經。短亭荒驛。數盡棲鴉。暝煙村樹隔。

蟋蟀

徐允貞

淒淒只是驚秋暮。何堪晚來疎雨。曲徑煙迷。橫塘草冷。還訴別離情緒。金籠暗鎖。正長信堦前。苔封輦路。吟徧黃昏。銷魂最是五更霧。征衣欲寄何處。聽聲聲斷續。急赴機杼。幾度銀釭。低徊玉枕。聞罷不禁淒楚。閒尋舊譜。看回閣平章。漫爭勝負。莫待西風。近蘭牀絮語。

味秋海棠

陳維嶧

宋郎未做悲秋賦。亭亭幾枝堪語。雨溼荒苔。雲封石徑。都是繽紛開處。嬌姿如訴。正獨坐無聊。香添一縷。書館蕭蕭。看時有甚好情緒。當時繡窗綺戶。記誰同玩賞。翠朝珠暮。紫竹廊邊。雙文內裏。浥露連堦。無數年來。羈旅。只秋到人間。此花還吐。譜入新詞。悵韶光不住。

鷺鷥

朱彝尊

謝池最愛鮮禽好。記得惠連曾賦。紫荇絲邊。水蒨花外。長見伊窺魚住。乍翻洲渚。訝拍拍隨波。欲低還舉。占得圓沙。又拳一足久延佇。采蓮舟漸近也。笑紅裙按櫂。不教驚去。荻岸偏明。蘋風慣浴。涼月粲粲南浦。曲江人渡。指隱約秋潮。望中生處。纔挂漁簪。又飛來無數。

蟬

苓根化就初無力。溫風便聞。妻調藕葉。侵塘槐花。糝徑吟得。井梧秋到。一枝潛抱。任吹過鄰牆。餘音猶嫋。驀地驚飛。金梭爲避。栗留小。長堤翠陰十里。冠綉都不見。只喚遮了。斷柳亭邊。空山雨後。愁裏幾番斜照。昏黃暫悄。讓弔月啼蛄。號寒迷鳥。飲露方殘。曉涼嘶恁早。

題寫生芋

湖田幾稜。分薑蔗青青。近依禾黍。促織聲邊。牽牛花外。慣滴籬根清露。梢溝倚渚。記錦里先生。小園秋暮。野色柴門。夕陽攜客。斷畦語。圓荷滿陂。勻翠晚來。風葉響。一樣疎雨。白踏泥中。紫收霜後。便好開筵。塲圃。燃糠煨處。聽昵昵。空村夜闌。兒女多少。封君移家。思傍汝。

中秋汎舟

陸求可

蘭橈六幅。秋帆錦江上。商飈清冷。茶竈煙輕。筆牀墨淡。汎宅浮家風景。鱸魚切粉。兼蓴菜。縈絲推篷小飲。桂魄團圓。天香飄處。廣寒近。武夷君在何處。想霞幢翠蓋。幔亭峰頂。按節觀濤。乘流弄月。銀漢無聲。高迥。風和浪靜。任珠露橫空。金波千頃。此夕清光。水仙能管領。

楓溪夜泊

錢芳標

斜陽水廟。停橈處。依稀浪萍前度。酒幔垂。煙魚昏。暝晚

無恙浴禽眠樹。奚童偶語。陡觸撥傷心亂絲如許。越榜
吳檣等閒斷送歲華去。新蟾半鈎乍吐。黯情懷不記
綺窗看嫵。衝鼓催行和衣殢酒。總把鳳衾耽誤。章臺舊
路。恐玉合荒唐翠條非故。羞照澄波驗秋霜幾縷。

二月二十日風雨感懷

沈謙

碧桃花雨何時歇。春陰半樓低結。嬾脫羅襦。勝偎角枕
寶鴨頻燒不熟。柔情欲絕。但夢後關心影邊饒舌。驀地
風來。帳兒却似有人揭。西窗猶自未晚。只蘭燈一燄
纔上還滅。柳壓濃煙鶯飛淺。浪空負豔陽時節。欲言又
咽。甚芳澤沾衣。殘書留篋。盼得來時。玉肌須痛嚼。

蟬

李符

薰風池館啼鵲歇。綠窗夢驚嘶早。飲露高懷。迎秋斷響。
相和中郎。淒調銀牀徑悄。漸飛過桐陰。又鳴殘照。聽一
聲聲。齊宮舊恨幾時了。剪開緬蟲翠羽。向美人雲鬢
持比差小。纖翅無多。哀音最苦。消得幾回昏曉。酸風乍
到。卷萬片霜紅。蛻痕俱掃。畱画粧樓。雀邊看去好。

茗南道中

野塘水漫菰城路。曉來載詩移檻。柳暉汀荒。丘遲宅壞
急雨鳴簑。千點綠蕪如染。映翠藻參差。鶉鴉能占。沽酒
何村花明。獨樹小橋店。昔游如昨日。耳記深深院宇。

綺羅春豔。粧閣懸蛛。舞衫化蝶。滿目繁華都減。溼雲乍
斂。露浮玉遙峰。相看無厭。漁唱滄浪。荻根燈又閃。

輯采風偶錄成題其後

孫致彌

疎窗展卷涼蛩靜。依稀舊游重省。鵲塞沙黃。龍堆草白。
青鎖摩天高嶺。驪江淥淨。趁野渡楊花。片帆風正。果下
驕嘶亂松翠。拂帽簷影。閒尋太師故井。悵金麟一去。
酒巖苔冷。碧落孤雲香奩蘭雪。幾許好辭投贈。霜華玉
瑩。剩淡墨。旁行欲斜還整。却對秋燈似華胥夢醒。

味隗囂宮瓷杯

曹貞吉

九泥不閉函關路。神功煨來杯筭。色映琉璃。聲隨哀玉。
淺碧嫩黃相射。流霞欲化。想西伯雍容。葡萄傾瀉。紫殿
基平。何人收拾夜泉下。千年又成廢寺。早霜鐘粥鼓。
相伴清暇。土嚙花斑。魚吹浪白。過眼興亡難話。誰堪並
價。有銅雀荒臺。尚畱殘瓦。且盡深卮。任更闌燭灺。

蟬

龔翔麟

綠陰幾日濃如幄。新聲又喧嘉樹。避雀驚嘶。鳴條倦咽。
響逐迴風難任。斜陽幾度。說不盡齊宮舊時。淒楚喚起
殘粧。爲他描上鬢邊去。吳園猶記往事。向嫩涼院落。
曾聽伊處。暑雨燈昏。冰牋粉砑。譜入絲桐更苦。驚心時
序。怕轉眼西風。一天寒露。石井銅鋪砌。蛩相伴語。

送仲兄之秣陵

林子威

昨宵夢約江流住。今朝又還南浦。明夜孤舟白蘋煙棹。醉月吟風何處。停杯不語。有訴盡愁懷。幾聲杜宇。回首斜陽。青山流水帶人去。登高想君情緒。荒臺猶在否。烽塵難數。燕入烏衣。祇應笑問。當日夷吾如許。故宮禾黍。况衰草寒煙。天涯羈旅。何似歸來。小樓尋伴侶。

梅廬花月下送原白之燕

曹亮武

人生只合花前醉。此外更須何事。皓月當頭。輕風拂面。况是賞花天氣。君真豪士。飲直似長鯨。酒酣而起。爲我狂呼。安能鬱鬱久居此。明朝便將作別贈君無一物。盞教重洗。竟上燕臺。巷無飲酒。此後相思千里。如君才技。取富貴何難。猶探囊耳。遙指春江。奈離情似水。

題京少菴画溪詞

黃庭

草堂斜倚春星下。清宵細哦佳句。院落人稀。天邊雁過。依約和歌儔侶。鉛黃滴露。把緗帙披來。燭花飄處。小捲風簾。海棠姁影月剛午。江南多少作者。賀方回去後。誰擅千古。一水橫塘。雙溪菴画腸斷。重翻舊譜。移宮換羽。好按入。鷓絃玉笋調柱。且聽旗亭。女郎檀板度。

雨夜夢人授銅雀瓦詞以紀之

何淇

瀟瀟靈雨催殘夜。依稀記來偏好。百遍摩挲。琉璃匣內。

一片澄泥色皎。建安年號。知若箇銀鈎。行行篆鳥。算只
江郎生花。斑管共風調。沉思雀臺往事。有分香弱女
賣履娟妙。空憶而今。亂鴉啼後。剩得幾番斜照。暗傷懷
抱。歎佳麗如斯。都隨夢杳。睡起迷離。小廊煙正繞。

宴清都

螢火

彭孫適

四壁秋聲靜。疎簾外。數點飛來破暝。輕沾葉露。暗棲花
蕊。亂翻銀井。有時團扇驚迴。又巧坐人衣。相映空自抱
熠燿微光。願增焰金樞景。幾番去。傍深林來穿小幔
高低不定。隨風欲墮。帶雨猶明。流輝耿耿。隋家宮苑。何

腐草於今無片影。向山堂且伴幽人。琴書清冷。

味大食菟茶杯

曹貞吉

猶帶鯨波冷。遙天色。斷雲微露清影。玻璃質脆。盈盈不
類汝哥官定。曾隨貝葉。金書煩赤鬪。拳鬚管領。而今作
承露銅盤。仙人淚滴還靚。思量紫袖。昭容白頭。阿監
深夜調茗。松濤罷響。流泉淡注。碧梧銀井。那堪回首。天
上空暗憶。龍團鳳餅。伴高齋。瀟灑琴樽。小窗月朏。

牧翁寶大食菟杯一具。曹實庵舍人以味茶牧

翁曰子爲我酌酒遂應命

蔣景祁

雨後空青色。花菟好殊方。莖此奇質。冰綃薄似浪紋。疊

一片澄泥色皎。建安年號。知若箇銀鈎。行行篆鳥。算只
江郎生花。斑管共風調。沉思雀臺往事。有分香弱女
賣履娟妙。空憶而今。亂鴉啼後。剩得幾番斜照。暗傷懷
抱。歎佳麗如斯。都隨夢杳。睡起迷離。小廊煙正繞。

宴清都

螢火

彭孫遹

四壁秋聲靜。疎簾外。數點飛來破暝。輕沾葉露。暗棲花
蕊。亂翻銀井。有時團扇驚迴。又巧坐人衣。相映空自抱
熠燿微光。願增熠金樞景。幾番去。傍深林。來穿小幔
高低不定。隨風欲墮。帶雨猶明。流輝耿耿。隋家宮苑。何
在。腐草於今無片影。向山堂。且伴幽人。琴書清冷。

味大食羹茶杯

曹貞吉

猶帶鯨波冷。遙天色。斷雲微露清影。玻璃質脆。盈盈不
類。汝哥官定。曾隨貝葉金書。煩赤鬪拳鬚。管領而今作
承露銅盤。仙人淚滴還靚。思量紫袖。昭容白頭。阿監
深夜調茗。松濤罷響。流泉淡注。碧梧銀井。那堪回首。天
上空暗憶。龍團鳳餅。伴高齋。瀟灑琴樽。小窗月未。

牧翁寶大食羹杯一具。曹實庵舍人以味茶牧

翁曰子爲我酌酒遂應命

蔣景祁

雨後空青色。花瓷好。殊方莖此奇質。冰綃薄似浪紋。疊

就淺深寬窄。樓船舊日東出。幾釀盡風腥。波黑。記有人
數遍山驛。水驛薦上瑤席。誰識紅杏前身。悲秋後。喬
風骨清立。叵羅拋擲。琉璃謝却。愛爾長吸。憐伊遠來津
涉。衣典罷。玉缸春碧。最好是花底朝回。畱髡作客。

畫錦堂

金閨夜游

曹溶

醉影紗籠。謳聲象拍。風景還似秦淮。郊外探梅。初返鳳
縷弓鞋。背人佯踏昏黃月。依然春恨鎖重堦。儂家近。鴛
鴦雙屏。湘簾半蹙。花牌。情懷。知名早。攜手晚。都如海
渚。山涯譜入。館娃遺曲。香老珠埋。浮杯那怯。司空憤提
筐已識。使君諧塵中事。判與驕游狎。賞才盡金釵。

述懷

黃錫朋

野鶴形骸。山麋標格。可免路鬼挪揄。只有龍泉。知我任
意歌呼。往聽黃鸝。攜斗酒。小園茵軟。落花鋪。賓朋集。討
古論。今客歸。我便跣。如愚。甘澹泊。耽豪素。往來多
屬吾徒。常領溪山勝趣。清映眉鬚。恥同屈曲。王光祿。閉
門矻矻。著潛夫。時瀟灑。長是批風抹月。不待筇扶。

題王阮亭抱琴堂執書圖

鄒祇謨

九曲池邊。無雙亭畔。使君吟眺初回。正見抱琴。長嘯卷
帙重開。非仙非佛。揚州吏亦詩亦史。濟南才堪相對。恰

稱何郎標格。惟有官梅。遲徊更何處。題斑管。定應校籍蘭臺。此日隱囊小几。遙映冰苔。犀提閣裏。容高坐。漁洋山外。許誰陪。前身是好認。玉清仙子。金粟如來。

瑶花

渡揚子江

吳棠禎

雲飛鐵甕日盪金山。送一江柔櫓。蒼茫煙水。擊楫時不。禁悲歌懷古。彭城高讌。牙旗動。屯兵開府。更寄奴玉甲。西征梁帝。翠華北顧。溥陽九派。分來任浪捲。風蛟潮鳴。雪虎英雄。盡孫策周瑜。值得神鴉社鼓。白門宮殿。只柳外鶯聲無數。歎多愁洗馬臨江。花點征帆春暮。

題其年填詞圖

李良年

吹簫待鳳。畫壁留人。憶舊來佳話。元和才子。愛倚聲長。只傍珊瑚架。珍珠量滿。買就了。還教入畫。展花間小帙。沉吟不願。人間聽者。平添一瓣。都梁看鴉紙。斜鋪鼠鬚欲下。纔回首。說與春蔥。誤了宮商再寫。拚作湘筠親領取。絳唇吹麝。恠今年。柳七匆匆。奉旨填詞去也。

玉繡毬

李符

蕊珠翠結。密簇柔梢。細看來。疑葉花師。昨夜都咒。變春煖。忽堆晴雪。弄簫人去。還留得。女銀香潔。料蕃釐舊觀。開時無此。碎瓊稠疊。分明似玉玲瓏。但彩線同心。猶

未穿揭。團團素影。渾不見。粉樣幾雙。棲蝶。良宵十五。映
天上。纖阿宮闕。傍清池。照水俱圓。難認一丸真月。

石州慢

味雪

曹溶

禁住梅花。閒夜捲簾。銀霰輕灑。憑誰知我。綠尊罷舉。彩
毫勤把。茸裘破帽。傍他范蠡。荒祠十年不鞅。關城馬重
聽。打窗聲。恰邊愁偷寫。牽惹似曾年少。翠靨壚頭。寶
箏樓下。翻借調冰。刻玉添成妖冶。而今休矣。祇剩松火
堆盆。此身辜負鴛鴦瓦。寒意滿人間。任先生臥也。

感春

龔鼎孳

香閣春添。庭院晝長。花雨飄灑。清明時候。輕寒小熱。暗
愁盈把。呢喃燕子。却憎画棟。彫零。身衣閒恨。猶牽惹。拍
碎玉闌干。儘黃鸝描寫。游冶。禁煙吹散。寶瑟風前。金
觥花下。何似一燈寒食。柴門初打。樓頭柳色。望裏青斷
天涯絮。飛還殢。王孫馬。解道莫愁誰。只長干人也。

夏閨

史可程

綠蔭蕉窗。粉浥荷池。趁涼褰幌。薄蟬鬆髻。輕螺膩指。細
商看樣。鏘然竹戛。隔花似有人行。防他誤認。金釵響。炎
暑逗蘭芬。惜蜂忙蝶蕩。郎在。猶驕亂局。雪豔傳。菴陡
生心上。羞覩簾間燕影。枕前水浪。瘦來腰小。可奈帶眼

頻移翻憐妙舞會旋掌。還恐奏金飈吹冷芳春想。

客况

顧貞觀

一月長河奈望崎嶇。玉京難卽。滿身風露。蓬窗潛啓。夜寒凝立。不如歸去。從教錦纜牙樯。釣絲莫負秋江碧。何事訪支機。悔乘槎踪跡。淒絕無端。閱盡水驛荒葭。離亭殘笛。只得幾行官柳。似曾相識。琵琶孤咽。那須月落。回船曲終。纔下香山泣。青鏡待重看。有霜華堪織。

過訪敘彝上人

曹臣襄

瘦石欹青空。林溼翠。山如煙幌。閒尋松徑。橫披老幹。若虬龍樣。薜蘿幽處穿籬轉。入齋厨。斜廊活火煎茶響。更午磬微聞。繡經繙低蕩。神往巖花爭發。好鳥頻啼。最高峰上。崖際飛濺。雪瀑似翻銀浪。支公貺我。新來佳句。連篇清如玉露流仙掌。餉朱李銀桃。到今朝還想。

柳色黃

食冬筍

黃庭

遠服黃皮。初貢厥包。孤竹苗裔。誰將玉版師。叅且共籜。龍兒戲。朱泥裏處。恰似虹斷湘江。月鈎斜映。晴霞裏帶。楚雨吳煙。佐長安整膾。猶記采蘭時候。挑菜年光。嫩攢堦砌。剖費柔荑。一樣纖痕。勻細。朝來指動。莫訝對食。興嗟異鄉。轉惜家山味。想脩竹吾廬。正天寒人倚。

前題

陳枋

半籠拳然黃犢角。邪春意先坼。吳頭楚尾羹材也。佐長
安杯炙。雲根遠餉。費幾白鑿園丁。紅泥猶帶江南色。戲
褪淡黃衫。看冰肌寒勒。遙憶小春交了。山徑家園間
尋閒覓。直到櫻花燕子飛時還摘。別來玉版竟比禁臠
侯鯖白。龍作鮮華堂擘。笑布襪青鞋。鎮長年拋擲。

憶舊游

悼陸君暘

錢芳櫺

釣篷歸去路。又是年時梅雨廉纖。按歌人何在。只斜陽
樾影。尚映湘簾。教坊子弟多少。空度望江南。記月下冰
絃。燈前檀拍。曾對何戡。無端渭城後。任折柳匆匆。憔悴
征衫。重到岐王宅。歎閒堦苔鎖。舊譜塵緘。廣陵漫想
遺調。紅豆懶頻拈。只鬼唱秋墳。棠梨落處。雙淚霑。

安公子

悼瀨上家子脩

史惟圓

曾幾何時也。玉堂春夢梨花謝。憶爾當年騁逸足。長衢
初駕。愧我摧頽。相對清樽夜。知爾去賦重京都。價望螭
頭天半。人在彤雲日下。纔給金門假。十年騎馬趨朝
罷。綠野新成。添幾處春風亭榭。賺得流鶯啼徧。疎簾鏤
催短景。難向天公借。有黃梁炊未樵叟漁僮共話。

瑞鶴仙

朱買臣墓下作

曹溶

問泉臺俊傑。曾掉下書囊。橫飛金闕。歸來便華髮。况歷
殘唐宋。幾朝煙月。蒼松疊雪。是樵斧留餘枝葉。踏荒丘
三五僧雛。又見曉鐘明滅。傷別。羅裙迎馬。玉鏡分鸞
那堪重設。陰風淒切。孤眠處。儘嗚咽。想當時。豔說還鄉
富貴。不道浮榮易歇。只嵇山遠。作豐碑。宛然漢物。

慈仁寺松

蔣景祁

何年冰雪貯。看燒節爲煙。團枝作塵。滄桑幾輕度。對伊
渾不記。金元風雨。蒼然如許。聽濤聲鱗鬣。夜怒未須愁。

化石空壇。莫便吟龍飛去。無據。王孫草盡。賢士臺荒。

大夫封處。衣冠太古。青燐夜赤。虬語歎支離。相伴一篝

佛火。沸徹僧寮。魚鼓做年年。送客長亭。銷魂此樹。

送客
廣寧

門者率置酒
松下祖餞

花犯

鴛鴦

朱彝尊

曲池塘。天教付與。雙棲夜。深竝綠蒲。分映任夢裏。隨波
煙外交頸。圓沙一片。斜陽冷。多應睡未醒。看足了浣衣
人去。蜻蜒移釣艇。采蓮渡頭。最愁他。清歌纔起。處驚
飛難定。齊浴罷。花潭下。翠牽紅凝。休緣却竹弓。射鴨還

自去空江千萬頃。正好伴水亭風檻。低垂羅袖影。

西山晴雪

陸棻

夜如何未催曉。箭冰蟾滿庭。晴小樓凭處。擁千頃銀濤。散爲瓊圃。早霞淺著微紅暈。玉光煖幾許。且籠袖。画眉纖指青螺。休染誤。劃然珮環倩天公。移山近紫闕。冷暉凝注。擬策蹇高梁下。杖錢囊句。招仙驥。闌風飛去。記往日西泠堤外住。曾細嚼梅花香。辨朗吟秋水註。

瑶花慢

味戴樹崑齋頭水仙花

蟠味枋

君家門外雪灑輕舟第一番風乍。碧叢冷蕊看半坡開。到燒燈未謝。蕙心紈質是南國當年。燒冶。壓烏皮几上。紅檠隨意欹斜。滿架。簾漪不捲湘波。最眇眇愁予。隔水如話。花花葉葉似采得翠羽。珠璫盈把。蘅臯人杳。須種。傍玉鏤枕亞。夢迴時氣若幽蘭。髣髴襪塵來也。

喜遷鶯

夏日遣興

梁清標

蕉林雨歇。正寶篆香溫。瓶荷芳澈。斐几攤書。湘簾伏枕。愁殺利名場客。消受薰籠茶椀。閒度草間飛蝶。最愛是。傍蕭蕭疎竹林梢新月。淒切。關情處。遠樹蟬聲。又值清秋節。白墮三杯紅綃一曲。說甚濟時豪傑。小構數椽。

茅屋圖。画琴尊羅列。且白眼任花開。花落陰晴圓缺。

寄俞季璪

沈謙

水鳩鳴屋。見春陰不散。漸飛霽。小燕初來。閒花又落。故把餘香頻蹴。煙迷半林。深翠風剪一池輕縠。憶舊歲正此時。相見掌杯盈綠。幽獨。衰更甚。雲擁亂山咫尺。歡難續。王粲情多。江淹才盡。晚節真成碌碌。途窮笑吾增慟。雅奏須君終曲。春難待。怕城南握手。櫻桃將熟。

粵東石濂和尚爲予画像志謝 陳維崧

月明珠館。有帝釋。鬘陀身雲散。滿鮫國。旌幢鬘帆。笳吹萬疊。雪傾銀濺。裝罷紅棉。粵嶠看足。蒼楓梁苑。饒能事。

儘微皴淡抹。黃深絳淺。

篋衍有一卷。細膩凝脂三尺。

松陵絹。少不如人。師須爲我。画出髣髴。禪板旁。侍湘娥。

窈窕下立。天魔蹇產。人間苦悵。碧桃花謝。洞天歸晚。

画作

天女散花圖

滇茶

臙脂繡纈。正千里江南。曉鶯時節。絳質酣春。紅香寵午。惟許茜裙親折。小印枕痕零亂。淺暈酒潮。明滅春園裏。較琪花玉茗。嬌姿更別。情切。想故國。萬里日南。渺渺音塵絕。灰冷昆明。桑栽洱海。此恨擬和誰說。空對異鄉煙景。驀記舊家根節。春去也。想蠻花。犵鳥淚。都成血。

飲華漢章齋頭聽蘇崑生度曲
風簾霜院。有一派晴秋。暗縈窗練。酒辣侵唇。菊香撲鼻。
黃雀紫蠟初薦。正值客心悽處。那禁夜鳥啼斷。絳蠟底。
恰白頭賀老。江潭重見。離怨言不盡。水市燈昏。試取
檀槽按。宛雒家鄉。武昌樓櫓。往事暮雲分散。愁似長空。
颺絮淚。比珍珠脫線。君休唱。惹青衫溼了。再無人管。

其年初赴恩命入都

史惟圓

匏樽螺盃。試酌酒與君。君休辭滿。回首風塵。傷心羈旅。
誰是受恩門館。夢斷梧垣。粉署吟盡。金荃蘭畹。還應訝。
是荷衣未脫。鳳書來晚。驚散鷗鷺隊。芳草綠波一棹。

東風暖。執戟晨趨。含香夜直。那更容君。疎懶。還問金門。
賦客若箇與君爲伴。君且去。儘五湖煙月。付儂收管。

春雲怨

夏日味水

錢芳標

蘂淵脩月。倩吳柯敲響。馮彝宮闕。姑射仙姿。綽約不數。
嫌山堆絳雪。調出瓊筵。擎來渠椀。沈李浮瓜。伴寒冽。雲
母屏邊。水精簾底。瑩影更難別。酒闌最解。相如渴。甚
盈車不散。朱門炎熱。短壑青松。幾時蹋。試嚙丹唇。莫是
真妃淚鉛凝結。虫語偏知。狐踪休聽。畱取玉壺共徹。

懷舊寄粵東數子

查容

紅棉小驛。記五羊城外穿花雙展。把手纔通名姓。一味
一觴如久識。翠袖藏鈞平頭搖扇。共指銀蟾。蠓墻側殘
拍逡巡。歸鞍酪酏蠟淚滿離席。三珠坐上真奇絕。縱
年深路遠。珠江歷歷。對酒猶疑照顏色。橫浦樓船折盡
南枝。斷無消息。舊雨淋浪。曉星寥落。不喚奈何不得。

春從天上來

壬子元夕

陳維崧

梁宋飄零。臥鄴邑殘橋下。縣荒亭。聞道今夜海碧天青。
人世幾度曾經。想半生踪跡。歡娛短愁緒。星星攪離腸。
更翻塔。急雨只是淋鈴。回思春橋夜市。對盞盞。星星毬
扇扇。銀屏喚馬前情。窺簾舊事。此際有影無形。算除非
夢裏重相見。巫女湘靈。夢還醒。五更竹響。半榻燈熒。

霓裳序中第一

味鏡

曹溶

綉囊冷雲軟。古意何年讀秦篆。餘的的冰心清淺。伴羅
薦春衫。珠璫玉串。疑愁不捲。似新蟾樓側初轉。恠生就
影兒無幾。終日向人滿。消遣。綵絲雙綰。仗頻磨鉛華
吹煖。依然相對天遠。况霜杵魂驚。霖鈴路斷。濃粧近
來。嬾只描得長蛾一半。菱花裏自看妖冶。却勝薄情眼。

味龍鬚

曹貞吉

崢泓勢猶怒。誰向煙波剪冰箸。憶當日青天乍擘。伴火鬣朱鱗。度雲穿霧。清秋島嶼。抱驪珠濃睡。腥雨莫也是。洧淵戰罷。飄落翠蓬路。羈旅生涯如許。還藏得蛟宮。幾縷輕綃。鈿盒潛貯。怕一夜驚雷。破壁飛舞。何人拾鳳羽。便鬪草休教換去。他年事天風鶴背。拔下又重數。

湘江靜

蛤蜊

朱彝尊

獷殼深緘。潭底竝任吹殘。老楓誰省。房同蘆雉。花輪石蛙。占魚牀清冷。網漉兩筠竿。擲頭響青泥成餅。西風古水斜陽野田。等啁雀更無影。甲卸初湯沸定。一痕纖

嫩黃逾淨。不知許事相逢。且食把膏脂。都屏犯卯未醒。時喚金釵小盤。須釘幾番爲爾。勾畱住了。早春歸興。

揆春慢

河豚

朱彝尊

曉日孤帆腥風一剪。販鮮江市船小。滌徧寒泉。烹來深院不許纖塵舞到。聽說西施乳。惹賓座垂涎多少。阿誰犀筋翻停。莫是生年逢卯。閒把食經品第量。雀鮮蟹胥。輪與風調。荻筍將芽。萋蒿未葉。此際故園真好。鬪鴨欄邊路。猛記憶溪頭春早。竹外桃花三枝兩枝開了。

迦陵太史有雪中憶桐初東游之作予亦棲遲

未歸慨然屬和

蔣景祁

幾十行期今朝纔是衝泥冒雪前路已別燕山尙遲東
國屈指遙程三五冷落關河也怎踏遍短長亭去暮山
何處孤煙莫是有人炊黍我亦天涯羈旅悔此日灞
橋未共凝佇涿鹿城邊白溝河畔多少甓陵懷古戍壘
星星在幾釀盡酸風淒雨過了燒燈問君把鞭吟處

澡蘭香

味浴

李符

鬢攏鳳挿胸褪猩羅解到麝裙綵結蘭波淺掬蓄露微
傾幾度怕深嫌熱着鮮膚頻溜柔荑渾如搓瓊捏雪金
斛鈿裝水霧輕籠嬌怯犀角郎窺怎避漸背窗燈又
憎簾月春渦薄粉宮額輕黃半被汗珠流脫拭檀中倦
倚檀牀便整纖鈎迨袜且未扣杏子單衫一雙犀蝶

船燈

黃虞稷

華林舊苑草蔓煙消剩得鈞天樂府輕舸幾葉素幔深
垂又試蒲榴簫鼓掉絳旌忽殷晴雷鮫室魚龍欲怒十
部橫吹響遏高雲還任脚尾中流瞥見夢醒疎窗浴
蘭兒女星河燦影榜岸搖陰一片珠光齊吐閃波心不
定雙眸疑是金鎔電舞倩誰人喚起明蟾爭妍三五

味香櫟

雪客齋
中賦

蔣景祁

盛來玉盃疊就金丸清供。画堂徹席。博山爐冷。湘水簾垂。依約晚煙江驛。憶當時。曾識青青新黃。暗翻輕摘。一剪秋風。漸老茂陵歸客。却笑輸他雋味。柑子纔分木瓜剛瀉。爲誰酸澁。只甚團團脉脉。有人憐惜。付深閨。劈作單綃。隨意方圓入格。冰蔗好點。取花菱雪香初積。

看嫵

望廬集句刻成題後

錢芳標

恨芝田館閣玉蘂祠遙。煙路限攀躡。立盡霖鈴雨。人何在。衣香環韻都歇。蘅蕪那覓。蘸淚痕。聊寫鵲血。錯拈起。京兆勻看管。覺吟句先咽。愁絕。蛩宵鶯節。只簞塵清影。燭膩紅跋。殘稿休焚却。防他見。香魂容易摧折。哀蟬落葉。倩素絲。宛轉彈徹。拚鐫向三生。畱楚些。証鴛牒。

壬子除夕

陳維崧

又殘更冉冉。往事星星。短髻被霜染。夢入屏山路。黃昏近。金荷一盞。慵點濃陰。微糝任小樓。和雨輕掩。算今夜笑語香街。沸有春勝雙颭。思念愁多。類魘記簾窺秀黛。柱映嬌臉。詎意分飛後。相思苦。淚滴桃笙。紅淡長江天塹。况萬重敗驛荒店。料此際有人。只爲我翠蛾斂。

雨淋鈴

種柳

成德

橫塘如練。日長人靜。蝦鬚低捲。知他春色何許。章臺望
罷。困酣嬌眼。落焰淒迷。又暗鎖隔水庭院。腸斷處。絮亂
絲繁。薄霧溶溶。度雙燕。茅齋盡日。墻陰轉。背風花不
辨。春深淺。移根幸自天上。曾試把霓裳舞徧。百尺垂垂
早。是酒醒鶯語如剪。只休遮夢裏紅樓望。個人兒見。

秋日過城南蔣氏廢園感舊

史惟圓

窮秋淒切。一池萍冷。水面澄澈。園亭問是誰主。寒蟬無
語。向人凝咽。砌柳千條。應送盡殘焰明滅。憶當日。客散
門前。詩酒風流。總消歇。如塵如夢。何堪說。只兩行恠
石。曾相識。琴書拋落。何處荒徑裏。亂鴉啼徹。明月無情
依舊飛來天上。官闕都不管人世愁多。動是消魂別。

秋感

湯思孝

涼風初冽。黯沉沉地。宿靄凝結。孤亭漫自延佇。秋容慘
澹。露草萋碧。轉覺吾衰甚矣。念誰與珍惜。關情處。蛩咽
蟬驚。驟雨紛紛。壓黃葉。傷心鎮日爲羈客。那更堪萬
種愁堆積。憑空望眼。何際荒莽。莽亂雲橫抹。滿臆蒼涼
縱是尋思。好夢難得。索待盼雁字來時。莫負人消息。

安平樂慢

元旦瑞雪擬宋人應制

鄒祇謨

甲帳雲開。辛盤早薦。天門曙色。曠曠。火城隊散。仙瑄音

迴浮浮奕奕連空。舞絮飄花看瓊枝。四照碧海遙通。飛
素滿天中。御香繚繞煙融。便黃竹歌傳綠醕酒賜。催
聞五老呼嵩。佳氣連清禁。紫皇新降。蓋珠宮。萬戶千門
玉京畔。群玉玲瓏。賦幽蘭謝莊衣。上侍臣初試春風。

二郎神 第一體

清明懷古

陳子龍

韶光有幾催。遍鶯歌燕舞。醞釀一番春穠。李天桃嬌妬。
東君無語。多少紅顏天上落。總添了數坏黃土。只是你
年年芳草。依舊江山如許。何處當年此日。柳堤花墅。
內家粧。寒帷生一笑。馳寶馬踏青原墓。玉雁金魚誰借。

問空令我傷今。弔古歎繡嶺宮前。白髮吞聲。漫天風雨。

前題

宋徵璧

良辰令序。常逐輕煙薄霧。青鬢與朱顏。總有良金難鑄。
傷心無數。北府西園人。不見剛增却。白楊荒樹。只問你
凭高弔古。繫馬停車何處。休去。鶴表遼城。薪摧桂樹。
想銅雀臺前。凝佇泣。都化作絲絲細雨。蕭蕭松柏西陵。
渡。教石馬驚嘶。日暮。任漢篆秦碑。蘇剝。葑紋斷橫官路。

前題

宋徵輿

煙煙雨雨。門外韶光幾許。昨夜悄東風吹。到我凝眸處。
輕風無數。滿日橫山。渾似舊。只忘却踏春歸路。見一帶

空濛翠靄總是江南花霧。遲暮。桃落漁溪柳眠官渡。
憶當年金尊同對客。都付與青蒿黃土。燕子漫勞簾外
說。好教替愁人一句。問天工何苦。做得春來。又將春去。
味淚

張雲錦

綺羅香

雨

施紹莘

細不如絲。輕偏抵絮。別館層樓如霧。綠漲風迴。梅子青
黃無數。侵綺席。溼帶歌霏。上翠袖。冷和人舞。最難描一
種。淒涼。今宵酒醒打窗處。平平潮長。晚惡正一水人
雙。隔沉沉綠樹。泣柳啼花。如此。画橋南浦。幾箇笠收網
人歸。一肩簞賣花人去。是誰向暗室昏燈。短香消半炷。

十六夜

梁清標

曉雪纔晴。華燈再耀。粧點春城如画。一刻千金。欲買良
宵無價。曲闌倚檀口。瑤笙六街。騁玉鞭。嬌馬氣氤氳飛
霰。雕簷銀花。釵色光相射。繡窗斜。嫵試看。宛似昔年

京兆風流重話。焰吐芙蓉處處。酒旗歌榭橋邊。女笑倩人扶。笛裏梅落來堪把。拋紅豆誰結同心。趁蟾蜍漸下。

落花

宋徵輿

煙消清明霧冷。一日便教春暮。千里飛花目送滿人。龍雨乍吹來。深院珠簾又舞。向小橋官渡。血模糊萬點胭脂。杜鵑啼盡行人路。画眉閣上窗開。爲問緋桃穠李。頓歸何處。芳草池中。已被輕潮流去。空自說薄倖天涯。早斷送豔陽無數。向殘英泣望東風。夜深吹不住。

春盡日

彭孫遹

翠遠如空黛濃。欲滴簾捲青山無數。舊事難尋。春色總歸塵土。撲蝶會如夢。光陰研花牋。相思圖譜。惟東風不爲吹愁。凝眸又見碧雲暮。年來淪落已慣。任我一身長是飄零。吳楚紅淚緘題。恨字分明寄與。想南樓柳絮飛時。是玉人夜來凭處。應望斷遠水歸帆。漾漾江上雨。

西湖清明

吳綺

風報桐花雨。吹榆片春事三分啼鳩。人在湖頭。正值禁煙初熟。看十里入眼風光。是一歲消魂時節。又誰禁南北峰頭。紙錢却化孤山蝶。樓邊紅袖。徒倚聽得賣餚人過。玉笙吹徹。笑指西陵松栢。何年堪結。莫等待潑火霏微。却做作打毬周折。且分付簫鼓樓船。載多情夜月。

卸粧

石泚

薄髻侵風柔肢瘦玉愁倚雕闌秋暮藻井生涼蓮步欲
行還住。抽寶樹墮馬蕭疎脫金粟盤龍辛苦待而今髻
掩飛蓬鈿釵落地香泥污。從教塵鎖玉鏡仍把鸞篋
擲却黯然無緒膏沐誰容愁卸衛娘殘縷憐初月纖影
鬆鬆是枕前亂雲捲絮記當日濃染春山曉粧花下語。

聞箏

萬樹

琥珀新絃玻璃義甲抱向羅衾排雁切切嘈嘈大小玉
盤珠濺。代象板半折蓮鈎掩螺黛一輪桃扇倚文窗低
撚輕攏喁喁如語乍飛燕。尊前長拍短拍撥盡新翻

曲調都成春怨紅淚青衫曾對檀槽遮面誰再傍待月
簾櫳早已過試燈庭院祇今有數點峰青曲終人不見

螢

宋 犖

借草生情因風弄影熠燿飄來何處箇箇輕盈點綴秋
光無數纔亂穿小幔疎檯又暗照空墻廢圃似從他狡
獪天孫繁星灑作夜深雨。佳人輕把扇子好撲取閒
堦上玉纖籠住。凄切寒蛩妬殺流輝遲暮怕燭至暫斂
微明綴庭柯頓成珠樹最堪憐數斛徵求偏山巖放去。

玉蘭

朱彝尊

紅木棉苞紫辛巳襪詎勝縞衣霜袂雪不封條但向花

房凝綴露一簇碧牡丹芽少幾點翠梧桐子笑依然玉
樹陳宮臙脂肯浣井中水。佳辰纔過上巳說與采蘭
人道休尋溱洧第一瑤臺月姊交光相對便着雨轉覺
龍鬆慣臨風幾曾憔悴似搓酥滴粉張穠喚來深院裏

宋牧仲席上聞歌

曹貞吉

抹麗凝香池塘過雨屈注明河天際雪酒銀桃六月燕
山風味倩數聲玉笛吹來似一串驪珠擲碎看盈盈初
日芙蓉雙瞳剪水兩睂翠。青衫流落舊客遮莫嬌絲
脆管難令沉醉幾點螢光猶焰蒼苔無寐好宮調賀老
教成倦心情屏風立地漫流連入破伊州記楓香曲子

沈融谷續娶夫人善琴書

高層雲

織句能工好音偏早依然林下風致宕逸雲卿清潤丰
標誰似裁蜀素試鬪新篇鏤湘筠雙搖鏡底撥鐙書弟
子先傳簪花小陣衛家字。晚簾微月低照蝶錦半拖
琴髻玉纖柔膩。凜凜想楚明光堪擬聽幾點鶯語
春山又數聲雁飛寒水掩犀帷猶辨清商任香殘翠被

瑶華集卷十五

未遇樂 十六首

歸朝懽 一首

瀟湘逢故人慢

平仄二體
二首

南浦 四首

花心動 三首

二郎神 第二體
三首

尉遲杯 二首

秋霽 一首

花發沁園春 二首

西河 二首

解連環 三首

鼓笛慢 一首

望遠行 四首

菩薩蠻慢 一首

望梅 一首

傾杯樂 一首

夜飛鵲 一首

望海潮 十四首

望湘人 五首

飛雪滿群山 一首

青門飲 一首

折紅梅 一首

薄倖 五首

一萼紅 五首

一寸金 六首

大聖樂 一首

鬲馬索 二首

八犯玉交枝 一首

永遇樂

中秋大雨

錢謙益

三五中秋一場敗興雨淋風裂問訊姮娥今宵此夜幽
悶如何說輝寒玉臂光凝翠黛長是孤眠時節任淒涼
免掩蟾蜍免照半牀愁髮晚來粧了插花看鏡恍似

身臨瑤闕燭滅香殘暗風吹雨魂夢空淒切月宮深鎖
桂輪何處莫被愁人攀折應自恨青天碧海茫茫
十七夜月

白髮盈頭清光照眼老顛思裂折簡徵歌釀錢置酒漫
浪從他說銀箏画鼓翠肴檀板恰稱合歡佳節隔船窗
暗笑低顰一縷歌喉如髮生公石上周遭雲樹遮掩
一分殘闕天上霓裳人間桂樹曲調皆清切干戈滿地
烏驚鵲繞一寸此時心折憑誰把青天淨洗長留皓月

度雁門關

朱彝尊

千里重關憑誰踏徧雁啣蘆處亂水滄茫層霄冰雪鳥

道連勾注。画角吹愁。黃沙拂面。猶自行人來去。問長途。斜陽瘦馬。又穿入離亭樹。猿臂將軍。鴉兒節度。說盡英雄。難據竊國真王。論功醉尉。世事都如許。有限春光。無多山店。酌酒徒成虛語。垂楊老東風。不管雨絲煙絮。

和辛幼安

余懷

擘脯彈箏。杖矛舞蔗。忼慨如此。壯士橫刀。美人却扇。總爲多情使。胸中五岳。夢中三島。不覺一時墳起。歎浮生短衣破帽。應羞碌碌餘子。天涯衰草。斜陽歸騎。認得蕭蕭故壘。四十九年青樓白馬。一覺揚州耳。謝家安石。王家逸少。日在風流叢裏。從今後及時行樂。逍遙而已。

軒中遣懷

馬鳴鑿

寺角殘霞。城邊碧樾。人影微路。靜掩荆扉。蛩吟草砌。一陣黃梅雨。離騷讀罷。湘簾半捲。策杖池間徐步。漫回頭。軟塵京雒。那得閒情如許。科頭嘯咏。烏衣王謝。載酒同看玉樹。貌換凝脂。文慚窺管。暫伴雙溪住。乾坤俯仰。百年時序。惟見鷗群來去。且沉醉榴花石畔。煙朝月暮。

柳絮

宋 犖

望去非花。飄來疑雪。輕薄如許。未作浮萍。已離溪樹。此際誰爲主。隋堤三月。幾回翹首。一片漫天飛舞。最堪憐。無根無蒂。總被東風弄汝。踏歌魏女。離情多少。問道

春光何處乍撲空。簾旋黏芳徑，好倩鶯啣取，還思往日。
鵝黃初染，變態頓分今古。枉垂着長條，踈地縮伊不住。

新秋康山雨集送園次還吳門 鄧漢儀

二十年前曾來臺上看殘歌舞。明月難留彩霞易散。紅
袖都黃土。今秋重到，却驚亭榭不似西州舊路。歎堂前
飛飛燕子，祇益江山愁苦。且同把酒，邗城絕頂坐瞰
六朝煙樹。驀地雲生風雷大作，龍吼滄江雨。應看鐵甕
新潮灌注，催送離人雙櫓。但不識此番別後，更逢何處

送周雪客返白門

宗觀

公瑾毋歸一觴須盡歡呼。搗鼓崩浪驚喧，寒潮空打天
塹。長江渡。火黑湘煙水飛。溘海只恁爭龍鬪。虎趁紅橋
垂楊絲柳，還記玉簫吹處。回思又手信陵門下，轉眼
升沉無數。避席當筵，停鞭舊巷，瞞過秋雲覩。那知華胄
風流文采，不倚東都門戶。但此去茫茫哀樂，誰堪共語。

春暮

徐汾

雨雨風風，柳綿飛盡，春又歸去。錦榭香臺，尋芳自遣，沒
個畱人處。夕陽樓閣，秋千庭院，都道玉兒曾住。想當年
歡容笑靨，坐聽末夜簫鼓。星移物換，悲來樂往，在天也
將人厮妬。有限韶光，朝雲暮靄，斷隔巫山路。鏡中霜滿
腰間帶減，枉費一生詞賦。堪怨殺杜鵑聲裏，落紅無數。

題惠山松石

陳維崧

虎踞龍僵獅蹲象偃人立而僂鐵幹盤拏銅根倔強勢
欲排天去老苔秋縛怒濤夜吼捲盡蒼茫今古鎮支離
千圍古翠祇容冷雲堆絮誰眠其下却驚石丈橫礙
松根蟠處鳥雀呼風兒童敲火碧滙千鐘乳銅駝頭角
石鯨鱗甲噲等何堪信伍看月下頽然二老幻成翁媪

京口渡江用辛稼軒韻

如此江山幾人還記舊爭雄處北府軍兵南徐壁壘浪
捲前朝去驚帆蘸水崩濤颭雪不爲愁人少住歎末嘉
流人無數神傷只有衛虎臨風太息髯奴獅子年少

功名指顧北拒曹丕南連劉備霸業開東路而今何在
一江燈火隱隱揚州更鼓吾老矣不知京口酒堪飲否

寓意懷人

徐倬

曾記兒家綠荷香裏脩竹無限髮鬢雙鬢天紅兩頰簾
底深深見避人佯態堯人軟語好似藕絲難斷弄嬌痴
深憐花鴨共閒繞池塘徧分攜許久鶯花杜曲儘見
慣司空眼冷葉倡條都應遜却舊壘紅襟燕怕伊猜道
樊川薄倖不信雨愁雲怨好倩與南飛雁字寄聲短款

農事

李符

築岸溪頭占霞壠上還揆秧信洗簇分蠶編欄護鴨似

燕忙無定腰鎌初試青裁莎草細結釣衣成領長相伴
秋機織婦絮語荻簾燈影。垣泥缺處木香不斷碌碡
研塲如鏡稻把晴收芥臺晚割步碓連庖井前村畊叟
邀嘗臘瓮寒渚自搖歸艇休忘却梅根撥雪吮花夜醒

癸丑上巳東溪脩禊

潘 耆

錦纜籠沙紅欄委浪一碧無際催暝鳩啼拖凉荇滑隔
浦春寒細瀟裙令節偏將絲雨漆滿一川空翠便教他
冥濛滴瀝正應恁時脩禊年年此日酒痕花淚零亂
俊遊衫袂水上麗人山陰修竹往事都休記莫停檀板
且偎紅袖此會後賢應繼歸來也明朝花下問他晴未

前題

蔣景祁

挑菜年時踏青節候春色如許一帶清溪半天翠壁彷彿
山陰墅風花淡淡雨絲片片舟繫綠波南浦憑脩禊
良朋俊侶盡日竟忘歸去垂楊水榭雲煙滿日記取
風流小杜愁見桃花溼紅憔悴落盡餘空樹酒杯行後
錦箋題起却道今人勝古倩誰寫茂林脩竹蘭亭再譜

舟中感舊

閨秀 徐 燦

無恙桃花依然燕子春景都別前度劉郎重來江令往
事何堪說逝水殘陽龍歸劍杳多少英雄啼血千古恨
河山如許豪華一瞬拋撇白玉樓前黃金臺昨夜夜

只留明月休笑垂楊而今金盡穠李還消歇。世事浮雲
人情飛絮都付斷猿悲咽。西山在愁容慘黛共人悽切。

歸朝懽

澄海樓

尤侗

家在芙蓉江畔住。兩槳沙棠桃葉渡。天風吹我北溟來。
茫洋一望無窮處。漫將秋水註。此時好讀玄虛賦。倚危
樓不聞呼嘯。滿目驚風雨。却恠馮夷綠底怒。白馬乘
潮鳴急鼓。鮫人又喜起樓臺。璇宮出市珊瑚樹。風鬟霧
髻女戲彈寶瑟來迎汝。趁漁舟一聲欸。乃送我蓬壺去。

瀟湘逢故人慢

平仄二體

送徐屈父游閩

錢繼章

寒梅凍勒看椒紅。未吐荳綠微。搓春意覺婆娑。正此際
花下早促鳴珂。白雲千里望迢迢。幾點青螺。悵往者金
鰲背上皇華。曾此經過。再游處滄桑改。問當時碧波
青草如何。且擊節高歌。漸新鶯繞樹。舊燕尋窠。佳山勝
水。憑長嘯。魄礪消磨。薜蘿外誰來念我。江南煙雨漁簑。

張晴峰脩雷琴成有贈

曹貞吉

千年神物是天寶。元音宣和遺譜。零亂金徽。苦想閱遍
繁華。遽然今古。流水高山。彈不盡喁喁兒女。當此際。燕
市重逢。白髮郎官知汝。續鸞膠。調鳳珠。早韻磬琤琮。

響泉淒楚百衲還堪鼓。似海岸宵冥成連徑去。危柱哀絃抵多少。驚砂飛雨。再等到蛇蚶成紋。又是幾番旦暮。

南浦

秋水用玉田詞韻

曹貞吉

片月映寒汀。碧澄澄。人對江山清曉。綠淨繞柴扉。晴磯上已有垂楊先掃。蘆花似雪。連拳鷺占圓沙小。淡抹遙天。渾一色夾岸黏雲衰草。百川爭赴長河。看魚牀燈火。黃昏近了。白露老蒹葭。清歌發無數。采菱船到。平湖浩渺。芙蓉落盡空潭悄。又是霜明渚冷。此際撈蝦人少。

春水用前韻

龔翔麟

人柳乍三眠。聽流澌廢苑春光纔曉。臘雪未全消。寒沙外半舊苔痕誰掃。東風幾日鴨頭新漲。冰錢小。是處翠波通短櫂。冷浸六朝芳草。朱欄幾曲斜臨影。弓弓十里香踪不了。漂出落花多。紅橋口曾有浣衣人到。遙峰縹緲。霽蟾飛下游人悄。道是新煙未禁燈舫秦淮還少。

前題

沈皞日

新雨漲汀沙。倚蘭橈。正值江亭初曉。隄墜亂桃紅。紅橋下斜映花陰如掃。波紋沁碧。一雙燕子凌波小。乍習晴絲還又轉。却誤銜來萍草。漫從南浦催歸。是閒情客裏春遊未了。雙槳載笙歌。鴛鴦起何處。画船吹到。曲終

渺渺前溪漸覺鶯聲悄。寒食今番過也。報道瀟裙人少。
秋水

隔岸采芙蓉。欵柴門露溼橫塘清曉。如鏡洗遙空前汀。
遠雪影蘆花誰掃。荒溝曲港。斷橋紅葉流來小。催暝漁
歌雲外起。一片愁人衰草。數峰側映蒼茫。看閒鷗對
對江邊去了。冷落舊苔痕。臨風處記得采蓮曾到。而今
渺渺。有誰獨倚紅樓悄。道是瀟湘未遠。天際歸帆還少。
花心動

蜻蜓

朱彝尊

舞拂波光齊上下。早是薰風池館。蟬翼還輕。蠶尾偏長。
記取狐梨曾喚。釣絲愛向人前立。見幾度欲飛猶緩。花
陰小。伯勞穿過。也能偷眼。點水移時。欸欸乍紅。裊菱
枝翠。停荷管。卷幔涼多。傍檻晚晴影。織夕陽。莎岸。有時
忽上玉搔頭。全不怕。佳人羅扇。織羽響。一剪髻雲撩亂。

早秋

彭孫適

幾陣西風涼氣滿。林下乍收殘暑。極目江天。蹴雪驚沙。
千里迢遙吳楚。殷勤謝菜萸。灣水爲儂好。向秦溪去。還
恐怕關山重叠。雙魚無據。冉冉年光欲暮。正思歸未
得。含情誰語。待折疏華。寄取一枝。又遠隔層城路。倚樓
人聽斷。腸聲悲秋客。到傷心處。江南夢。一曲瀟瀟暮雨。

燕京清明

陳履端

此日江南襯桃痕綠楊斜拂朱戶上塚人忙裙屐香泥
碧草紙錢飄處前村春社人扶醉應笑我天涯羈旅真
辜負燕笋初肥鱖魚細縷多少狂朋俊侶儘寫就紅
箋題完白苧何事年來落拓京華情比軟風絲雨春衫
斲了倩誰憐只夢裏鄉關嚙語煙光好丁香漸開無數

二郎神 第二體

憶富春舊游

彭孫遹

富春七里水拖藍游鱗堪數看來往雲帆淺深沙石渺
渺青谿漁浦南北峰頭登臨處望不盡斜陽疎樹悵星
子臺空桐君佩冷舊游何託羈旅又經幾度他鄉寒
暑自芍藥花殘櫻桃夢醒腸斷錦鞋一賦謝客滄洲潘
郎綠鬢踪跡猶然朝暮算只有山中明月江上清風如
故。

味黃石榴花

董俞

緋衣阿醋忽改做道家粧束看滿額鵝黃天然雅淡絕
勝猩紅鴨綠堪與姚家稱姊妹真一樣嬌姿絕俗有林
外黃鸝飛來一色繁枝如簇空谷儘堪長日伴人幽
獨似憔悴懶懶雀娘病起瘦比籬邊殘菊挿向雲鬟金
釵掩映不是丹葩積郁想飛霜一夜秋苞拆盡珀珠盈

擷

登燕子磯秋眺

朱一是

岷峨萬里見渺渺水流東去。指遠近關山參差宮闕起
滅長空煙霧。南望滄溟天邊影辨不出微茫盡處。歎三
楚英雄六朝王霸消沉無數。從古長江天塹飛艎難
渡。自玉樹歌殘金蓮舞罷倏忽飛鳥走免。燕子堂前鳳
凰臺畔冷落丹楓白露。但坐看狎鷗隨浪漁父扁舟朝
暮。

尉遲杯

聞笛

王舟瑤

吳臯路正晝永綠蔭生深樹。鶯鶯燕燕都無空說水鄉
佳處。誰家鐵笛偏巧作關山一聲度。漸伊州改入霓裳
送將離恨無數。還憶小苑朱唇常時節含宮嚼徵如
訴裂石穿雲梅花落仍愛倩曲終起舞。何能聽江城折
柳又添得斜風織細雨。念生平南北東西幾時真箇歸
去。

題朱錫鬯蕃錦詞次葆勳韻

高層雲

詩人句被詞人接。入紅牙去。不須減字偷聲自合天然
機杼。鼠鬚纔舉便灑落魚箋煙一縷。愛搜殘插架筠籤
腹笥任教揆取。閒情況兼離緒。還吟向犀帷燭影深

處漢上題襟斜行字總染上楚蘭吳紵笑片玉尊前誰
數傍月底雙鸞脩簫譜喚越舫竝載兜娘一曲曉鶯春
序

秋霽

嚴陵釣臺

朱彝尊

七里灘光見擁樹歸雲石壁銜照漁火猶存羊裘未敝
只合此中垂釣客星曾老算來無過煙波好况有箇借
隱市門仙女定娟妙當此更想去國參軍白楊悲風
應化朱鳥翠微深鷓鴣飛處半林茅屋掩秋草歷歷枕
樓人影小水遠山遠君看滿眼江山幾人流涕把莓苔

掃子陵梅福之塔參軍謂謝臯羽有西臺痛哭記

花發沁園春

月夜飲綠華梅下

陳維崧

借月為花將花做月濛濛一樹敲玉銀梳飾春瓊簫暖
夜值得珍珠幾斛水肌睡足更掩映紅綃六幅念月姊
似夜孤寒梅妃自小幽獨花影風搖簌簌任春城夜
闌圓鼓頰續金爐爐處珠斗斜時月與梅花微綠清輝
滿目排吹滅枝枝銀燭夜深沉我醉休扶和月和花同
宿

重過函山書屋

沈岸登

下馬金臺征衣未換便尋橋下離席。小亭東畔闌檻依
然猶記道南推宅。酒人去矣。悵幾度春風消息。又樹樹
爭試輕紅。絲絲閒弄寒碧。轉鼓蘆笳。嗚昔被鄰雞中
宵催起行色。三年竹徑千里霜。猶總是驚心南北。而今
問訊誰伴我。冷花斜日。算只有燕子空梁。離愁說與知
得。

西河

西沈落暉

史可程

蘋風細。秋旻一碧如洗。蓮花欲謝。展冰奩靚粧嬌倚。江
妃纖手。弄金盆。波光滉漾霞綺。魚濯錦。楓吟紫。琉璃

萬頃紅碎。魂銷目醉。競商飈。鐵笛橫吹。俄然暝色入高
樓。乾坤滿眼憔悴。孤帆黏影。遠天際。歎征篷。景難
繫。噫嘻吾今老矣。但時攤秋水。朗吟而起。何暇更尋人
間事。

成都懷古

魏學渠

繁華地。追談往事。興廢。花圍錦。繞舊蠶叢。三都屹起。千
秋萬歲。種芙蓉。香風暗度天際。浣溪曲。愁邊倚。扁舟
載酒誰繫。傾城花蘂。付西風。蒼涼玉壘。蜀王宮殿。盡平
蕪。摩訶池上流水。牟彌八陣。今還在。想英雄。橋名萬
里。望帝不知何世。一聲聲。寫怨消魂如此。雨作淚珠淋

鈴裏

解連環

蘆花

錢芳標

暮江蕭瑟滿江洲。點綴楚天秋色。映一片錦樹枯荷肯
漫學東風柳綿無力。雪意垂垂恰藏個小船吹笛伴閒
漁露頂宿鷺聯拳一般頭白。宵來緒風漸側捲銀濤
萬點頽岸千尺認空濛霧雨聲中却蟾影低篩雁程遙
碧。憔悴徐娘。悵老去風情非昔。記年時湔裙水畔嫩芽
乍坼。

前題

曹貞吉

驚風淒切滿江干。一片凍雲吹折。飄萬點不辨東西在
賺得行人鬢絲添雪。明月光中隱沙岸。鴻聲清絕更閒
隨釣艇暗入柴門伴人騷屑。助他怒潮嗚咽捲興亾
舊恨浪花明滅笑垂楊只解飛綿難點上征衣迷離成
鐵露冷蒹葭還記得綠芽如髮問故家秋娘何在風流
消歇。

秋夜感舊

孫致彌

豆花微雨傍半窗孤影做成酸楚。枉怨悵春帶愁來怎
解事秋風不吹愁去。誰家方響細按徹雲藍小部。正涼
欺瘦骨尋思舊夢醉膏騰處。歸舟字能認否。只燒香

汲井分明蟾虎。悄記得茉莉香中。伴玉漏聲沉。冰肌無暑。仙袂蟬紗。映淡月輕如綸絮。惟姮娥不爲人圓。看看四五。

鼓笛慢

八月十七吳友數人集寓齋

錢芳標

統如雙下花奴。摻先喚起參差玉。問誰人偷向姮娥桂殿。演霓裳新曲。欲斷還聯處。香檀拍幾回頻促。喜鴟絃宛轉。鵝笙瀏亮。鈞天夢依稀續。浹耳吳音。纖軟數舊傳。漫誇曹穆。四筵屏息。一絲徐引。有梁塵暗歛。漂泊京華。客身疑在半塘船宿。漸紅霞映樹。秋河絡角。任燒殘。棒燭。

望遠行

蜀宮懷古

魏學渠

摩訶池上春颺度。紫禁周垣如故。嵬峩殿闕。高下宮亭。幾歲迷離煙樹。玉壘蠶叢算道。千年興廢。歷歷江山如許。最傷心朝夕。唯聞杜宇。無據試上武擔。遐眺剩絲柳。枯杉無數。花蓋香畱。支機石在。却見精靈來去。憶得青巾白馬。賢王殉國。俯仰荒城。今古。但一泓智井。蒼涼風雨。

秋煙

葉永年

將無做有平蕪外。蕩漾天光欲暮。看時偏淡。沾着還濃。恰似新愁縷縷。萬緒千絲。遮莫金風剪剪。依舊蕭疎。如許。最難禁。人在殘陽微雨。延佇。一帶瀟湘影裏。早鎖却前山楓樹。吳宮紫玉帳裏。紅顏隱隱。水綃深處。擬向蘭橈問渡。青帘賒酒。躑躅幾回迷路。但語雁遙空。聲聲來去。

春暮蕪城偶感

葉舒崇

平原瀾迤紅霞抹。惆悵春光纔暮。幾番花謝。一陣風狂。做就隋宮綠樹。無限興亡。贏得竹西三月。歌吹年年如許。最傷神。又值江天梅雨。相語。只有斜陽一片。也曾見錦帆無數。螺黛香消。瓊簫夢斷。行雨蕭娘何處。試看蒼苔沒井。白楊滿地。怕讀鮑昭遺賦。聽杜宇聲聲。勸人歸去。

郊外見梅

沈皞日

石城一帶見江上。無數遙山環翠。柳綿初煖。杏蕊微含。正值煙林新霽。茅屋三間。低亞藤蘿牆外。偏是垂垂獨倚。惹行人多少。爲伊回騎。凝睇。石窗暗香動處。問昨夜伴誰憔悴。詞客鏡前。玉人夢裏。留此吟牋無計。不向故園拳石。橫斜清曉。却傍江南天氣。欲閒尋桃葉春風。如醉。

菩薩蠻慢

龍虎山道中

董元愷

好風輕策，正千巖深隱，萬峰開闢。更逶迤路轉，谿迴望
鳥道羊腸，惟雲崎石。或象鳴雞，遠勢立而如跣。或蹲如
獅子，直欲搏人，怒而相格。或似排空劍戟，或盆罌如
覆星羅，如奕或飛流瀑布，泛若波濤。或積翠層樓，窈如
窟宅。或画長蛾，倏忽陰晴。金碧景殊佳，而今日日山行
也得。

望梅

春城望紙鳶

陳維崧

夾衣初颺，漸梅鬚墮，粉桃腮堆絳。鴨頭波倒，浸春雲嵐
日美。一天紙鳶都放，隊隊兒童競，喧笑綠楊門巷。正偷
將殘線，趁取新晴，恣情游賞。將扶乍低旋漾，把溪煙
攪碎，晴空撲響。漫掠他青粉，牆西意翠，袂遙凭紅閨凝
望。急景難淹，又天半夜燈初上。見火蛾索繞，飛下雪梨
千丈。

傾杯樂

送次山再之濟上

蔣永修

何處驅愁，此間亦樂遊。方汗漫，正春淺，花疎日淡，一鞭
又指任城古縣。南池賓從，遲懽。奈當筵聽朝雨，陽關

聲緩。橋名情盡。贏得柳梢折短。記太白當年行遍。怕今日風流香令散。重攜到彩筆如椽。百篇斗酒詩卷。曾幾度登高望遠。莫惹起浮雲宮殿。離思好長。則寄女媧陵畔。

夜飛鵲

席上有憶

鄧漢儀

幾番何遜宅。讌飲連宵。劇憐霜市星橋。而今時事翻騰。極秋來着意蕭騷。忍復重登綺席。頻玉卮齊舉。銅斗微敲。漫誇佳勝。甚心情刻畫鸞簫。想殺堂空人靜。簾子摠依然。其奈香消。便待霓裳再試。花容重整。此事迢遙。從今分付。摠抹將剩粉殘翹。向蒼霞深處。漁燈社火。認取鴻毛。

望海潮

黃鶴樓上弔孫吳

曹溶

天亾漢室時方逐。鹿明公奮勇爭先。戰艦搖虹。朱旂曳電。誰知衰草寒煙。豎子自堪傳。尙雄蟠水域。身老兵年。拔劍撚髭。滿城佳氣。故宮前。能招幕府英賢。向荆門握槊。吳會投鞭。白面戎師。青雲霸器。曾言生子當然。成業坐難遷。歎一隅雌伏。失長幽燕。鐵鎖橫江。鳥飛龍隱。可人憐。

鎮陽懷古

梁清標

雄風河朔燕南都會名城古說中山帶繞漳沱屏開恒
嶽連營劍倚青天。王父故宮閒。霸圖煨灰劫鹿走邯鄲。
壁返相如墳高頗牧總荒煙。軍聲成德當年。有北潭
舞榭趙苑歌絃。蕭蕭送香蘋。菱映水秋來依舊爭妍。衰
草冷平原。信陵立功後。結客空傳。戰壘烏啼笛吹關戍
夕陽寒。

過錢武肅王祠用秋岳韻

龔鼎孳

銀濤喧鼓銅牙披。義雄開王氣之先。虎步鳳巒揚屨
國登時擁上凌煙。冠劍錦山傳。有金符玉冊。踵武英賢
吳越高門尉佗臺。接鷓鴣前。千秋舞榭歌筵。賴麾江
指海。勇敢秦鞭。餘耳韓彭紛紛灰燼。曾聞偉伐歸然。風
景逐時遷。賴鼉潮息。淪良嶽。輸燕公等無如空言南渡
是何年。

漳水弔銅雀臺

葉舒崇

水分清濁岸擁波濤。三分霸業誰先。鄴下繁華魏宮佳
麗高臺曾俯寒煙。碧瓦到今傳。美才如繡虎賦壓群賢
懊恨東風。三喬虛鎖夕陽前。拚他舞袖歌筵。有五官
飛蓋七子鳴鞭。橫槊英雄分香兒女朝來總帳淒然。在
事歲時遷。剩空城長峙。跨趙凌燕。指點荒涼草青疑塚

又今年。

秋登吳山

丁煒

西陵草短南屏霜。重登臨客思方賒。江湧銀鰲潮喧鐵馬。十年洗盡繁華。落日岸身紗。危欄空拍遍。幽恨無涯。葛嶺樓臺吳山宮殿。有啼鴉。當年競鬪豪奢。任玉津載酒翠舫。迷花栢樹墳高木。棉人去。獨松亂起。鳴笳。鳳舸載宮娃。明湖歌舞路。冷浸雲霞。惟見孤山舊時寒月。照梅花。

題馬貴陽画册

陳維崧

中原蜂擾。江東馬渡。君臣建業偏安。天上無愁。宮中有慶。聲聲玉樹金蓮。點綴太平年。更尙書豔曲。丞相蠻牋。月夕花朝。那知王濬下樓船。華清月照闌干。悵多時粉本流落人間。可惜當初丹青妙手。如何不画凌煙。風景極淒然。寫一行衰柳。幾處哀蟬。展卷沉吟。昏鴉蔓草。故宮前。

寶珠洞

成德

漠陵風雨寒煙衰草。江山滿目興亡。白日空山夜深清。唄算來別是淒涼。往事最堪傷。想銅駝巷陌。金谷風光。幾處離宮。至今童子牧牛羊。荒沙一片茫茫。有桑乾一綫。雪冷鷗翔。一道炊煙。三分夢雨。忍看林表斜陽。歸

雁兩三行。見亂雲低水。鐵騎荒岡。僧飯黃昏。松門涼月。拂衣裳。

過錢武肅王祠

梁允植

孤虛藏甲。風雲揮劍。軍容步伐。身先電掣。三吳霜馳。百越妖氛。蕩盡烽煙。霸業幾經傳。看流風逸事。亂世稱賢。鼉鼓銀濤。萬人齊駟。發潮前。當時競逞歌筵。歎塵飛草偃。君獨先鞭。跨海雄圖。澄湖萬頃。至今廟屋巍然。歷久祀無遷。笑青衣出汙翠。輦歸燕。江上圖存。空留竿築。弔當年。

家司農叔父奉使粵東

溫傳天語。威行邊徼。星馳節鉞。連宵四牡。嘶風雙旌。戴月依依。柳拂垂條。攬轡劍橫腰。喜嶺梅送暖。翡翠啼嬌。瘴癘晴開。小春花發。太平橋。孤懷莫悵。無聊看羅浮。春靄南海。新潮陸賈。城頽尉陀。墓冷千秋。幾度昏朝。俯仰意偏迢。更霜飛甲帳。萬里雲遙。計日燕山。鄉心清夢。一林蕉。

春城桃李

吳本嵩

人家江左。時光寒食。春閒又值春晴。飛燕送香。流鶯啼夢。驚看花徧山城。脉脉十分情。正玉樓宴罷。金屋粧成。不比人間鉛華羅綺。鬪輕盈。算來底事。蓬瀛。但煙花

故國詩酒餘生。綠水画船芳堤。寶馬良辰結伴游行。好景記分明。恐孟婆一霎。社母三更。又是楊花飄零散作杜鵑聲。

和少游韻

錢芳標

窮桑一髮銀濤千。仗羲輪吐盡朝華。徐福不歸成連既去。酸風亂點驚沙。何處碾雲車。有翠旂縹緲珠樹交加。指點虛無個中如覩織綃家。荒墩又動金笳。正煙將着草霰未成花。樓蜃滅來汀鷗狎罷。人間萬事空嗟。竿影壞孺斜。遶三姑廟側叢荻神鴉。對此茫茫祇應沉醉是生涯。

題徐渭文鍾山梅花圖

史惟圓

龍蟠勝地江山如画。金陵景色偏佳。寢殿侵雲宮娥映日。春風十里梅花。路繞鳳城斜。當年恣吟賞樂事無涯。春入江南嬌香豔粉醉吳娃。飄零此際堪嗟。有數行歸雁幾樹啼鴉。石馬無踪銅駝有恨。隔江試聽琵琶。冷蕊發殘葩。憑君逞妙手寫盡煙霞。風景依然不須惆悵憶繁華。

題來青閣

鄒顯吉

暖風遲日五侯池。館帽簷欹側頻遊。金雀雙鬟文犀斜領。一行齊上簾鈎。着處總溫柔。記身絲醉染。囑付親收。

屈指重來。今生不擬負風流。十年空敝貂裘。向斜橋
落葉說甚從頭。蛛網塵封燕泥乾盡。更誰同倚粧樓。暝
色不勝愁。歎篆香心字。灰冷難留。試覓題箋。淚痕還染
佩囊不。

乍浦天妃宮觀潮

閩秀黃德貞

扶桑縹緲。霓光龍采。金宮砥柱銀濤。烽堠星羅。營屯棋
布。驚看碧浪迢迢。萬疊舞鮫綃。恍瓊鰲駕水。白馬凌霄。
一蹴春霆千尋。秋雪勢滔滔。幾回目眩魂搖。羨東南
形勝奇絕。神臯雲佩。莊嚴繡幢屹峙。滄波晝夜騰驕。浴
日海門潮。更昏微朏。時共盈消。聞說蓬瀛。鼉梁虛駕
笑秦橋。

望湘人

旅中九日

梁清標

看門前寶馬。柳外紅亭。匆匆心事難說。袖染餘香。巾藏
暗淚。愁聽一聲離別。萬里羊城。五湖鯨浪。夢魂飛越。憶
昨宵絮話叮嚀。曾約歸期春月。惆悵山長水疊。捧鸞
書一紙。早辭雙闕。正露冷蒹葭。依舊河流淒咽。孤影裏
對驛燈明滅。夜角麗譙吹徹。一般樣綠醕黃花。辜負重
陽時節。

燕

俞南史

惟溪梅卸辦春社雨收柳汀莎岸飛徧試揀離梁去依
藻井幾度尋香棲暖蝶舞裁衣鶯簧調曲追陪梁苑惟
汝猶憐惜空闌肯與蕭娘爲伴須把風簾盡捲任分
開翠尾往來如剪還對坐螺屏細認去年人面如言似
語欲飛還住商量今番瘦減爲我催秋雁書來萬一湘
天逢見。

茉莉

沈未禮

漸黃昏近也淡月簾櫳香膏百斛無價寶合化酥瓊甌
護粉不放等閒開謝指印尖纖汗潮融溜薄紗幘下正
寂寥篔簹展湘紋冷浸一奩冰麝堪掬清芬盈把想斜
簪晚髻玉釵光亞洗瘴雨蠻煙占斷嫩涼臺榭因尋舊
約題封羅帕多少剪燈低話但曉來枕畔端相未抵昨
宵嬌姹。

寓樓微雪味隔垣所見

陳維崧

訝銅街轉處銀井灣頭盈盈霧髻煙髻又被斜風捲來
微霰越與明粧相襯暗裊裙拖低黏妝閣行來將近想
憐他輕軟纖鬆故把凌波偷印誰念鄰家樓上有他
鄉狂客闌干憑損柱日斷瑤堦難遞飛瓊音信料孤館
只晚寒成陣况是歸期無准偏戲弄墻外花梢搖落一
庭新粉。

江州曉渡

潘 耆

奈濤聲沸枕秋氣侵肌客魂鄉夢撩亂強起推蓬飄來
何處道是溇陽江畔粉墜蓮房露啼柳眼愴然腸斷况
年來鬢漸生絲應識迷途未晚 回憶江南秋半正古
香風醉新橙齒軟向花嶼楓林買盡溪山遊燕誰爭取
我百年貧賤捉鼻漫誇不免偏驅去瘴雨蠻煙極目九
疑回雁。

飛雪滿群山

爽閣觀雪

錢芳標

欺褐風銛盤鷓雲沍玉塵吹上迴欄翠樓粧罷紅簾軸
處泥他卯酒禁寒幾回迷纈眼訝誰舞遙空珮環萬家
鱗瓦雙峰佛髻飛絮有無間 憶曾賦宜春花滿句向
謝莊衣畔斜撲歸鞍灞橋驢滑山陰柁倦浪游總遜鄉
關鴨鱸籠茜袖正人與鉗梅對閒若教圖畫瑤臺十二
天半看。

青門飲

小飲芬遠寓齋賦

陳 枋

夢隔吳頭音聞吳語相逢宛在半塘船任隨意憑闌低
吟把盞忘了天涯羈旅樂故人情話任香醪淺深頻注
無端早又庭收返照亂煙催暮 未識年來愁緒却底

事悵悵酒悲無數。背暝橫街面風曲巷多少斷魂行路。
空館春寒夜奈今宵醉眠何處。憐他燕子花梢坐久趁
歸簾戶。

折紅梅

秋日送和叔北遊

陳枋

載巾車一輛漢書挂犢匆匆如許。灑天涯涕淚送君渭
城無此朝雨。郵籤到處漸霜落薊門煙樹。夕陽画角城
上悲語。記別館清尊疇昔聽苦。過江衛虎正秋不勝
衣茫茫愁緒。可能向蕭娘樓畔慶卿市中延佇。留君難
住。知會何年重聚。極望十五五離亭便臨岐還願故
人休去。

薄倖

題壁

曹溶

綠楊絲縮勒馬處。一程雲棧慢佇想安排此夜知入誰
家淚眼。試說與宿雨餐沙。三秋禁斷閑簫管。更止酒新
盟攀花密呪青髻。人不煖。向有限關河裏偏只見
悲歡聚散。記粉巾鴛字。歌裙鳳縷。尋思誤把歸期緩。不
干緣淺。要迷踪困影山尖海角。填情滿。自懽自惜莫負
風亭月館。

曉起

吳棠禎

辛夷樓外春睡起。花梢日在。正嬌眼乍開。還倦風動。合歡裙帶。想昨宵明滅銀燈。郎來夢裏人無奈。且官柳描蛾。聖檀画額。小立鏡邊多態。行到鴛鴦池畔。却又被蝶。嗔鶯恠。憶金鈿鬪草。玉笙吹月。錦屏舊日同歡愛。病因誰害。自琴心一許。人前來往。翻多礙。露濃鞋滑。猶摘櫻桃斜戴。

閨門感懷用湘瑟詞韻

陳維崧

春波旬線。把船檻和愁倚。徧記舊日膽娘門巷。只在画橋南轉。靠他家一樹。枇杷流鶯日日啼歌扇。向燕子樓邊。鵝兒酒內。生受花憐柳眷。到今日思量處。空蕪盡沉香火慢。被東風幾陣晴絲。一夜吹將往事連天遠。鮫珠休濺。使玉京仙圃也。應風景年年換。閒愁莫惹城下紅桃正綻。

舟次惠山再疊前韻

綠楊金線。記此地經過百徧。曾驀遇水仙祠後。月裏遊船初轉。凭幾楞膩粉闌干。水晶簾子桃花扇。正一色彩紅。兩行蛾綠。何處鶯儔蝶眷。聽檀板孜孜拍似唱到小秦王慢。恰水煙一派衝開笑語。鼓兒搗了人兒遠。年光濤濺也。思量再覩重來無奈。心情換。尋春須早莫待百花齊綻。

山下與顧景行話舊三疊前韻

風箏脫線向水驛山程繞徧笑十載求仙任俠只有金
丹難轉又那知舊侶重逢淒涼似閱秋風扇論紅燭前
情青衫少日曾訂厚盟深眷且與作開元話聲漸緊
四條絃慢算年來爾我行藏畧似交情直比春山遠酒
槽珠濺向當爐小語香醪可許新詞換惹他一笑榴齒
臨風微綻。

一萼紅

秋興

曹爾堪

盼芳洲有白蘋幾許分繞綠溪幽樹老藏鴉蘆深避雁
漁歌喚起沙鷗輕夢隨一枝短櫓睡過了楓葉伍塘秋
恹煞西風故將殘柳縮住閒愁堪歎駒陰如駛挽江
邊逝水佳麗難留雲散巫峰雨昏湘浦魂消燕子磯頭
親曾見偃紅倚翠就今日霜鬢對寒篝暗數當年豪舉
分付東流。

東園屋子

毛先舒

借東園恰三間屋子好在是清幽剪紙糊窗編茅隔水
水邊別構孤樓當好夜吹燈兀坐奏樹陰密處月如鈎
鼠嚙殘書螢穿敗壁未是窮愁曉起東窗初日漫映
水一片碧細丹稠斷續江雲冥濛海色望中直過城頭

想何處最宜高臥。是風涼雪快與清秋。五柳先生若過
早已歸休。

納涼梅廬

陳維崧

展初停見亂杉深巷門境已空幽。一派風廊幾榜釣檻
微茫人在滄洲。軒子外蒼皮怒裂更紅魚碧鴨漾銅溝。
屋小如幃齋虛似舫萬籟颼颼。到便捶琴啜茗向水
邊企脚林下科頭。卿論殊佳吾狂已甚世間一笑浮漚。
儘盡日談空說鬼。早荳花棚上月如鉤。再噴數聲風笛
催動新秋。

春情

沈謙

漫窺簾愛桃花萬樹新雨拆紅緘。近水無言隨風有恨
欹斜實恁嬌憨。棲不穩。画梁雙燕爲營巢。終日語呢喃。
似喜仍憂乍暄還冷。情緒懨懨。盡道西郊堪賞。便倡
條冶葉誰再沾黏。淚豈因花病。非中酒羞禰宋玉。江淹
生受盡孤眠。况味眠又起。真欲似春蠶。忽見隔樓山影
想殺斜尖。

寒食寄方渭仁陸雲士

牛奩

古墻陰過幾番肥雨。斑駁紫苔深。客裏蕭條又逢禁火
舊約有夢難尋。暫偷眼豔陽風景。又飛花片片攪春心。
日暮飛來一雙燕子對舞紅襟。忽憶長安遊侶正鳳

城賞徧歸騎駸駸。向晚春宮。輕煙初散。刻燭爭自豪吟。
問何處腰輪御柳。賸東陽憔悴到如今。寂寞飭香酒冷。
月影沉沉。

一寸金

蓮花

彭孫適

水靨新粧。小著紅綃。弄煙霧。似豔分霞。暈倚闌微笑。嬌
含檀粉。向人低度。獨立愁無侶。覓舊日張郎何處。乍臨
風。一種輕盈。玉奴初學凌波步。此夜瑤臺月明。香細
翠袖沾清露。問玲瓏秋藕。幾時絲盡。鮮妍蓮子。爲誰心
苦。正隔江欲採。盼佳期。美人遲暮。訴相思。有恨無情夢

斷西洲路

遊大小龍渚

董元愷

一柱玲瓏萬象誰。驅巨靈鑿。或人而偃。儂獸而蹄。齧連
而弭。伏竦而騰躍。大小盤空攫。昂然峙。兩龍搏角。窈而
曲。如奧如掌。石勢參差。轉樓閣。我入其中。鼠通猿引。
趾與肩相錯。正嵌空幽戶。摩崖欲記。披皮碧蘚。崩崖欲
落。遊戲天吳窟。溼杖屨。驚濤噴薄。問何方直達巴陵洞。
底悲風作。

古冢

陳維崧

古寺高丘。雨溜松毛。土花澁。有破空石。嘯呀然如竇懸。

崖鐵縞窮然而黑。壞棧盤雲仄。身窺處。龍湫深極。誰人
作校尉。摸金千載。画衣化煙色。隱隱便房迢迢。夜磬
風吼。魚燈逼。問珠襦玉匣。幾年畊破。金釵銀椀。誰人拾
得。牧子頻吹笛。惹漢武秦皇沾臆。歎多時。樂大城荒。徐
福歸何日。

味長平遺鏃

曹貞吉

數點寒鏃入眼。離離土花碧。是咸陽王者神兵。親鑄沉
沙。千載耕夫重得。黯黹黃金色。試磨洗。猶堪穿石。笑平
原計誤。馮亭圍合。邯鄲幾輕擲。暗想當年武安初將。
疾聲撼趙壁。早沙蟲猿鶴。一軍都化黏雲衰草。戰場如
昔。鬼哭西風裏。最慘澹。天陰月黑。乍摩挲。線齒銀闌。怕
帶青燐跡。

和桐初餞菊用清真韻

蔣景祁

記剪秋光影入屏山。小城郭。乍憐伊別意。酒傾玉液。費
他吟興。字箋釵脚。細倚清真作。還彷彿。陶家籬落。凌波
去采罷。芙蓉好製荷衣。泛寥廓。幾幅蠻箋。數枝湘管。
曾伴久棲泊。憶膽瓶斜插。并華初注。寒雲一束。綵絲旋
約。相見還相別。只無那。夢魂輕薄。君長健。此會明年。休
獨居不樂。

憶故園菊和次山疊清真韻

三徑何如半畝秋。英映溪郭。記親除菊。虎風晨雨。夕護
同杞。犬楓根籬脚。曉起園丁作。待滿院芙蓉開落。登高
節。兄弟成圍。幾尺螺屏冷香廓。兩度京華。三年湘漢
比爾更漂泊。縱歡余眼見。如逢舊雨。和伊夢說。怕寒初
約。花亦悲秋也。定應怨那人情薄。繁英墜。歸去來兮。思
灌園也樂。

大聖樂

農境

李符

種芟寬鄉。覆茨老屋。遠岑圍翠。渾不知何代。香桃千樹
吹霞。春漲溪灣。波膩時有綠簑鳴榔。過遶村北。村南三
四里。寒沙尾渡。小約斷人。晝閒如此。田車趁晴輦水。
應一片鋤聲。桑柘裏。把竹扉開了。斜陽都在。菱塍瓜地。
雪鷺滿汀。風瀾淺。早添築苔磯。芟暗葦。濃雲起。護潭莊。
不通塵世。

胷馬索

送友人南遊兼訊李斯年

李符

玉驄嘶。須把青絲。胷他住。燕歌易酒。莫辭今夕。離亭聚。
浮雲一望。綠波千里。滿目消魂。江淹賦。計落花時節。黃
陵楚竹。湘煙響柔櫓。行旅羅施天末。木瓜金筑。且伴
參軍作蠻語。亂水孤舟。逢人少。惟有冷猿昏雨。南尋李

白問訊何如爲報頻年相思苦。道故人別來詩卷總是
人間斷腸句。

味走馬燈

蔣景祁

拓蟬紗。幻作桃花帳中舞。青絲紫絡。匆匆不夜城邊度。
汗血奔雲。霜蹄掣電。好試騰驤孫陽顧。笑一場過隙光
陰也。賭春風踏花去。難住。啣枚疾走。連鑣緩控。最怕
煙銷霧斜處。白袷紅裳。相偎久。餘煖香鞵誰護。暗塵飄
盡。嘶影都無。况復依稀章臺路。漫怨他落鐙風緊。剪燭
西窗。夜深語。

八犯玉交枝

戲味破窗

錢芳標

幾扇紅蕙數條碧。界不鎖去春梨夢。猶記如煙停織。虛
密約紛紜曾共。風驕雨縱。把玉女明粧。飄蕭吹綻。留仙
縫。分付曉鐘。虫撲晴簷蜂弄。夕陽有意。最憐小詩罷
誦。蟾痕還更篩動。酒醒後。聲低聲重。似蘆管寒。譙悲送
莫移近。香猊蠟鳳。只愁煙漏啼珠凍。待補片疎櫺。教人
多買芭蕉種。

